



14
1544
125



14
1544
125

全五代詩卷十四

羅江李調元雨村編

呂巖

巖字洞賓禮部侍郎渭之孫蒲坂縣人咸通中
舉進士不第遊長安值黃巢亂隱居終南山漢
時遇鍾離權得道年百餘歲貌如嬰兒世傳有
劍術時至陳搏室不知所終

鍾常不備有傳聖王重威處曰汝權能食之否推重入階巖嘗有
聲喚不見問曰神仙耶曰街耶曰口口占否之曰非神亦非仙非術
亦非幻天光者終身矣田農還變句因非我何足為不悅
吾遊騎物歸不度 漢 巖居終南山外有一處名曰呂巖洞

全五代詩卷十四

全五代詩卷十四

羅江李調元雨村編

漢

呂巖

巖字洞賓禮部侍郎渭之孫蒲坂縣人咸通中
舉進士不第遊長安值黃巢亂隱居終南山漢
時遇鍾離權得道年百餘歲貌如嬰兒世傳有

劍術時至陳搏室不知所終全唐詩話洞賓遊長沙持

罐常不滿有僧驅一車錢戲曰汝罐能容之否及推車入罐屢有
聲俄不見僧曰神仙耶術耶呂仙口占答之曰非神亦非仙非術
亦非幻天地有終窮桑田幾遷變身固非我有財亦何足戀曷不從
吾遊騎鯨騰汗漫談苑張洎家居城外有一隱士自云呂巖洎倒

展迎之索紙筆八分書七言一章頗言將作鼎鑊之意其末句云功成當在破瓜年俗以破瓜字為二八洎六十八而卒乃其應也仙翁詩人多傳誦飲海龜兒人不識燒丹符子鬼難看又一粒粟中藏世界權遊權漢人不老自本朝以來與權更出沒人間權不甚多而洞賓蹤跡數見好道者每以為口寔余記童子時見大父魏公自湖外罷官還道岳州客有言洞賓事者云近歲常過城南一古寺題二詩壁間而去說者云寺有一大古松自始至時無能知者有老人自松頭後漢末詩云然 西溪叢語襄漢隱者躬耕數畝因古冢為亭後漢末詩云富一日柱間得一絕云冢上為亭鬼莫嗔冢頭人即冢中人徒爾莫起存亡意除卻空虛總是塵相傳呂翁作也 王漁洋五代詩話回仙有心園春一闕明內丹之旨語意深妙惜乎世人但歌其詞不究其理吾故表而顯之云七返還丹在人先須煉已待時正一陽初動中宵滌永溫溫鉛鼎光透簾幃造化爭馳虎龍交合進火功夫尤關危曲江上看月華瑩淨有箇鳥飛當時自飲刀圭又誰信無中養就免辨水源清濁木金間隔不因師指此事難知道要元微天機深遠下手速脩脩猶太遲蓬萊路仗三千行滿獨步雲歸 調元按口嚴唐末宋初人未如何時得道今據王漁洋五代詩話故入五代又其所師鍾離權故編於漢末鍾後

堽頭坯歌

堽頭坯隨雨破抵是未曾經水火若經水火燒成磚留向世間住萬年稜角堅完不復壞扣之聲韻堪磨鐫凡水火尚成功堅完萬物誰能同脩行路上多少人窮年煉養費精神不道未曾經水火無常一旦臨君身既不悟終不悔死子猶來借精髓主持正念大艱辛一失人身為異類君不見洛陽富鄭公說與金丹如盲聾執迷不悟脩真理焉知潛合造化功又不見九江張尚書服藥失明神氣枯不如還丹本無質翻餌金石何太愚又不見三衢趙樞密參神作鬼終不識修完外體在何邊

辯捷語言終不寔瑤頭坯隨雨破便似脩行這幾箇大
丈夫超覺性了盡空門不為證伏羲傳道至于今窮理
盡性至於命了命如何是本元先認坎離并四正坎離
即是真常家見者超凡須入聖坎是虎離是龍二體本
來同一宮龍吞虎啣居其中離合浮沈初復終剝而復
否而泰進退往來定交會茲而望明而晦消長盈虛相
匹配神仙深入水晶宮時飲醍醐清更醴餌之十日功
便成金筋玉骨身已輕此箇景象惟自身上昇早得朝
三清三清聖位我亦有本來只奪乾坤精飲凡酒食糧
腥補養元和冲更盈自融結轉光明變作珍珠飛玉京

須臾六年腸不餒血化白膏體難毀不食方為真絕糧
真氣薰蒸肢體強既不食超百億口鼻都無凡喘息真
人以踵凡以喉從此真凡兩邊立到此遂成無漏身胎
息丹田湧真火老氏自此號嬰兒火候九年都經過留
形住世不知春忽爾天門頂中破真人出現大神通從
此天仙可相賀聖賢三教不異門昧者勞心休恁麼有
識自愛生有形終不滅歎愚人空駕說愚人流蕩無則
休落趣循環幾時徹學人學人細尋覓且須研究古金
碧金碧參同不計年妙中妙兮元中元

贈劉方處士

六國愁看沉與浮，携琴長歎出神州。擬向煙霞煮白石，
偶來城市見丹邱。受得金華出世術，期於紫府駕雲遊。
年來摘得黃巖翠，琪樹參差連地肺。露飄香隴玉苗滋，
月上碧峰丹鶴唳。洞天消息春正深，仙路往還俗難繼。
忽因乘興下白雲，與君邂逅於塵世。塵世相逢開口希，
共論太古同流志。瑤琴寶瑟與君彈，瓊漿玉液勸我醉。
醉中亦話興亡事，云道總無珪組累。浮世短景條成空，
石火電光看即逝。韶年淑質曾非固，花面玉顏還作土。
芳樽但繼曉復昏，樂事不窮今與古。何如識箇元元道，
道在杳冥須細考。壺中一粒化奇物，物外千年功力奧。

但能制得水中華，水火翻成金丹竈。丹就人間不久居，
自有碧霄元命誥。元洲陽谷悉可居，地壽天齡永相保。
鸞車鶴駕逐雲飛，迢迢瑤池應易到。耳聞爭戰還傾覆，
眼見奸華成枯槁。唐家舊國盡荒蕪，漢室諸陵空白草。
蜉蝣世界寔足悲，槿花性命莫遲遲。珠璣溢屋非為福，
羅綺滿箱徒自危。志士戒貪昔所重，達人忘欲寧自期。
劉方劉方審聽我，流光迅速如飛過。陰媿果決用心除，
尸鬼因循為汝禍。八瓊秘訣君自識，莫待鈿空車又破。
破車壞鈿須震驚，直遇伯陽應不可。悠悠憂家復憂國，
耗盡三田元宅火。咫尺元闕若要開，凭君自解黃金鎖。

勉牛生夏侯生

二秀才二秀才兮非秀才非秀才兮是仙才中華國裡
親遭遇仰面觀天笑眼開鶴形兮龜骨龍吟兮虎顏我
有至言相勸勉願君兮勿猜勿猜但煦日吹月嚙雨呵
雷火寄冥宮水濟丹臺金木交而土歸位鉛汞分而丹
露胎赤血換而白乳流透九竅兮動百骸然然卷然然
舒哀哀咄咄孩兒喘而不死腹空虛兮長齋酬名利兮
狂歌醉舞酬富貴兮麻屨莎鞋甲子問時休記看桑田
變作黃埃青山白雲好居住勸君歸去來兮歸去來

題四明金鵝寺壁

方丈有門出不鑰見箇山童露雙脚問伊方丈何寂寥
道是虛空也不著聞此語何欣欣主翁豈是尋常人我
來謁見不得見謁心耿耿生埃塵歸去也波浩渺路入
蓬萊山杳杳相思一上石樓時雪晴海濶千峰曉

長短行

落魄且落魄夜宿鄉村朝遊城郭閑來無事翫青山困
來街市貨丹藥賣得錢不算度酤美酒自斟酌醉後吟
哦動鬼神任意日頭向西落

贈江州大平觀道士

落魄薛高士年高無白髭雲中閑臥石雪裡去尋碑誇

我飲大酒嫌人念小詩不知甚麼漢一任輩流嗤

通道

通道復通元名留四海傳交親一柱杖活計兩空拳要
果逡巡種思茶逐旋煎豈知來混世不久却回天

六言

春暖群花半開逍遙石上徘徊獨攜玉律丹訣閑踏青
莎碧苔古洞眠來九載流霞飲幾千杯逢人莫話他事
笑指白雲去來

送鍾離雲房

功滿東來際會難又聞東去上仙壇杖頭春色一壺酒

頂上雲攢五嶽冠飲酒龜兒人不識燒山符子鬼難看
先生去後身須老乞與貧儒換骨丹

贈劍客二首

髮頭滴血眼如铘吐氣雲生怒世間爭耐不平千古事
須期一訣蕩光頑蛟龍斬處翻滄海暴虎除時拔遠山
為滅世情兼負義劍光腥染點痕斑

雨雪霏霏天已暮金鍾滿勸撫焦桐詩吟席上未移刻
劍舞筵前疾似風何事行杯當午夜忽然怒目便騰空
不知誰是勸忠孝攜箇人頭入坐中

仙詩

全五代詩

卷十四

漢

六

落魄紅塵四十春無為無事信天真生涯只在乾坤鼎
活計惟憑日月輪八卦氣中潛至寶五行光裏隱元神
桑田改變依然在永作人間出世人
我家勤種我家田內有靈苗活萬年花似黃金苞不大
子如白玉顆皆圓栽培全賴中宮土灌溉須憑上谷泉
直候九年功滿日和根拔入大羅天
尋常學道說黃芽萬水千山覓轉莖有畛有園難下種
無根無脚自開花九三鼎內烹如酪六一爐中結似霞
不日成丹應換骨飛升遥指玉皇家
纔吞一粒便安然十二重樓九曲連庚虎循環參後錄

甲龍天喬迸靈泉三三上應三千日九九中延九萬年
須得有緣方可授未曾輕泄與人傳

誰識寰中達者人生平解法水中銀一條拄杖撐天地
三尺昆吾斬鬼神大醉醉來眠月洞高吟吟去傲紅塵
自從悟裏終身後贏得蓬壺永劫春

本末無非在玉都亦曾陸地作凡夫吞精食氣先從有
悟理歸真便入無水火自然成既濟陰陽和合自相符
爐中煉出延壽藥溟渤從教變復枯

杳杳冥冥莫問涯雕蟲篆刻道之華守中絕學方知奧
抱一無言始見佳自有物如黃菊藥更無色似碧桃花

休將心地虛勞用，煮鐵燒金轉轉差。

還丹功滿未朝天，且向人間度有緣。
拄杖兩頭擔日月，葫蘆一箇隱山川。
詩吟自得閑中句，酒飲多遺醉後錢。
若問我脩何妙法，不離身內永和鉛。

舉世何人悟我家，我家別是一榮華。
盈箱貯積登仙錄，滿室收藏伏火砂。
頓飲長生天上酒，常栽不死洞中花。
凡流若問吾生計，遍地紛紛五彩霞。

亂雲堆裏表星都，認得深藏大丈夫。
緣酒醉眠閑日月，白蘋風定釣江湖。
長將氣度隨天道，不把言詞問世徒。
山水路遙人不到，茅君消息近知無。

鶴為車駕酒為糧，為戀長生不死鄉。
地脉尚能縮得短，人年豈不展教長。
星辰往往壺中見，日月時時衲裏藏。
若欲時流親得見，朝朝不離水銀行。

世上何人會此言，休將名利挂心田。
等閑倒盡十分酒，遇興高吟一百篇。
物外烟霞為伴侶，壺中日月任嬋娟。
他時功滿歸何處，直駕雲車入洞天。

公卿雖貴不曾酬，說著仙鄉更去遊。
為討石肝逢蜃海，因尋甜雪過瀛洲。
山川醉後壺中放，神鬼閑來匣裡收。
據見目前無箇識，不如杯酒混凡流。

曾邀相訪到仙家，忽上崑崙宴月華。
玉女控龍蒼獬豸，

山童提挈白蝦蟆時斟海內千年酒慣摘壺中四序花
今在人寰人不識看看揮袖入烟霞

火種丹田金自生重重樓閣自分明三千功行百旬見
萬里蓬萊一日程羽化自應無鬼錄玉都長是有仙名
今朝得赴瑤池會九節幢幡洞裏迎

莫怪愛吟天上詩蓋緣吟得世間稀慣餐玉帝宮中飯
曾著蓬萊洞裡衣馬踏日輪紅露捲鳳銜月角擘雲飛
何時再控青絲轡又掉金鞭入紫微

雲鬢雙明骨更輕自言尋鶴到蓬瀛日論藥草皆知味
問著神仙自得名簪冷夜龍穿碧洞枕寒晨虎臥銀城

來春又擬携筇去為憶軒轅海上行

龍精龜眼兩相和丈六男兒不柰何九盞水中煎赤子
一輪火內養黃婆月圓自覺離天網功滿方知出地羅
半醉好吞龍鳳髓勸君休更認彌陀

強居此境絕知音野景雖多不合吟詩句若喧卿相口
姓名還動帝王心道袍薜帶應慵挂隱帽皮冠尚懶簪
除此更無餘箇事一壺村酒一張琴

欲陪仙侶得身輕飛過蓬萊徹上清朱頂鶴來雲外接
紫鱗魚向海中迎姮娥月桂花先吐王母仙桃子漸成
下瞰日輪天欲曉定知人世久長生

四海皆忙幾箇閑時人口內說塵緣知君有道來山上
何似無名住世間十二樓臺藏秘訣五千言內隱元關
方知鼎貯神仙藥乞取刀圭一粒看
當年詩價滿皇都掉臂西歸是丈夫萬頃白雲獨自有
一枝丹桂阿誰無閑尋渭曲漁翁引醉上蓮峰道士扶
他日與君重際會竹溪茅舍夜相呼
傾側華陽醉再三騎馬遇晚下南巖眉因拍劍留星電
衣為眠雲惹碧嵐金液變來成雨露玉都歸去老松杉
曾將鐵鏡照神鬼霹靂搜尋火滿潭
琴劍酒碁龍鶴虎逍遙落托永無憂閑騎白鹿遊三島

悶駕青牛看十洲碧洞遠觀明月上青山高隱綠雲流
時人若要還如此名利浮華即便休

別來洛汭六東風醉眼吟情慵不慵擺撼乾坤金劍吼
烹煎日月玉爐紅杖搖楚甸三千里鶴翥秦烟幾萬重
為報晉成仙子道再期春色會稽峰

未煉還丹且煉心丹成方覺道元深每留客有錢沽酒
誰信君無藥點金洞裏風雷歸掌握壺中日月在胸襟
神仙事業人難會養性長生自意吟

鐵牛耕地種金錢刻石時童把貫穿一粒粟中藏世界
二升鐺內煮山川白頭老子看垂地碧眼胡兒手指天

若向此中元會得此元元外更無元

箕星昴宿下長天
凡景寧教不愕然
龍出水來鱗甲就
鶴冲天去羽毛全
塵中教化千人眼
世上人知爾雅篇
自是凡流福命薄
忍教微妙畧輕傳

曾隨劉阮醉桃源
未省人間欠酒錢
一領布裘權且當
九天回日却歸還
鳳茸襖子非為貴
狐白裘裳欲比難
只此世間無價寶
不憑火裏試燒看

因思往事却成愁
曾讀仙經第十三
武氏死時應室女
陳王沒後是童男
兩輪日月從他載
九箇山河一担擔
盡日無人話消息
一壺春酒且醺酣

萬卷仙經三尺琴
劉安聞說是知音
杖頭春色一壺酒
爐內丹砂萬點金
悶裏醉眠三路口
閑來遊釣洞庭心
相逢相遇人誰識
只恐冲天沒處尋

曾戰蚩尤玉座前
六龍高駕振鳴鑿
如來車後隨金鼓
黃帝旂傍戴鐵冠
醉捋黑鬚三島黯
怒抽霜劍十洲寒
軒轅世代橫行後
直隱深巖久覓難

頭角蒼浪聲似鐘
貌如冰雪骨如松
匣中寶劍時頻吼
袖裏金鎚逞露風
會飲酒時為伴侶
能行詩句便參同
來年定赴蓬萊會
騎箇生獰九色龍

九鼎烹煎一味砂
自然火候放童花
星辰照出青芝顆

日月能藏白馬牙
七返返成生碧霧
九還還就吐紅霞
有人奪得元珠餌
三島途中路不賒

誰解長生似我哉
煉成真氣在三台
盡知白日昇天去
剛逐紅塵下世來
黑虎行時傾雨露
赤龍耕處產瓊瑰
只吞一粒金丹藥
飛入青霄更不回

遙指高峰笑一聲
紅霞紫霧面前生
每於塵市無人識
長到山中有鶴行
時弄玉蟾驅鬼魅
夜煎金鼎著瓊英
他時若赴蓬萊洞
知我仙家有姓名

黃芽白雪兩飛金
行即高歌醉即吟
日月暗扶君甲子
乾坤自與我知音
精靈滅跡三清劍
風雨騰空一弄琴

的當南遊歸甚處
莫交鶴去上天尋

自隱元都不記春
幾回滄海變成塵
玉京殿裡朝元始
金闕宮中拜老君
悶即駕乘千歲鶴
雨來高臥九重雲
我今學得長生法
未肯輕傳與世人

隨緣信業任浮沉
似水如雲一片心
兩卷道經三尺劍
一條藜杖七弦琴
壺中有藥逢人施
腹內新詩遇客吟
一嚼永添千載壽
一丸丹點一斤金

春盡閑閑過落花
一回舞劍一吁嗟
常憂白日光陰促
每恨青天道路賒
本志不求名與利
元心只慕汞兼霞
世間萬種浮沈事
達理誰能似我家

留詩與巴陵太守

真人行巴陵市太守怒其不避使案吏其罪真入日酒醒耳頃忽失之但留詩曰

暫別蓬萊海上遊
偶逢太守問根由
身居北斗星杓下
劍挂南宮月角頭
道我醉來真箇醉
不知愁是怎生愁
相逢何事不相認
却駕白雲歸去休

贈陳處士搏

青霄一路少人行
休話興亡事不成
金榜因何無姓字
玉都必是有仙名
雲歸入海龍千尺
雪滿長空鶴一聲
深謝宋朝明聖主
解書丹詔詔先生

哭陳先生搏

天網恢恢萬象疎
一身親到華山區
寒雲去後留殘月

春雪來時問太虛
六洞真人歸紫府
千年鸞鶴老蒼梧
自從遺却先生後
南北東西少丈夫

別詩

無心獨坐轉黃庭
不逐時流入利名
救老只存真一氣
脩生長遣百神靈
朝朝煉液歸瓊壠
夜夜朝元養玉英
莫笑老人貧裏樂
十年功滿上三清

贈羅浮道士

羅浮道士誰同流
草衣木食輕王侯
世間甲子管不得
壺裏乾坤只自由
數着殘棋江月曉
一聲長嘯海山秋
飲餘回首話歸路
遙指白雲天際頭

三千里外無家客七百年來雲水身行滿蓬萊為別館
道成瓦礫盡黃金待賓榼裡常存酒化藥爐中別有春
積德求師何患少由來天地不私親

賜齊州李希遇詩

少飲欺心酒休貪不義財福因慈善得禍向巧姦來

贈滕宗諒

華州回道人來到岳陽城別我遊何處秋空一劍橫

題詩紫極宮

宮門一閑入臨水憑欄立無人和我夾朱頂鶴聲急

呈鍾離雲房

生在儒家遇太平懸纓重滯布衣輕誰能世上爭名利
臣事玉皇歸上清

絕句

不用梯媒向外求還丹只在體中收莫言大道人難得
自是功夫不到頭

學道須教徹骨貧囊中只有五三文有人問我脩行法
遙指天邊日月輪

肘傳丹篆千年術口誦黃庭兩卷經鶴觀古壇松影裡
悄無人跡戶長扃

天下都遊半日功不須跨鳳與乘龍偶因博戲飛神劍
摧却終南第一峯

朝遊百越暮蒼梧袖裏青蛇膽氣麤三入岳陽人不識
朗吟飛過洞庭湖

吾家本住在天齊零落白雲鑠石梯來往八千消半日
依前歸路不曾迷

東山東畔忽相逢握手丁寧語似鐘劍術已成君把去
有蛟龍處斬蛟龍

朝泛蒼梧暮却還洞中日月我為天匣中寶劍時時吼
不遇同人誓不傳

偃巖拍手葫蘆舞過嶺穿雲拄杖飛來往八千須半日
金州南畔有松扉

精養靈根氣養神此真之外更無真神仙不肯分明說
迷了千千萬萬人

不事王侯不種田日高猶自抱琴眠起來旋點黃金買
不使人間作業錢

莫道幽人一事無閑中儘有靜工夫閉門清晝讀書罷
掃地焚香到日晡

贈劍客四首

先生先生貌猥惡拔劍當空氣雲錯連喝三回急急去

嶽然空裡人頭落

劍起星奔萬里誅風雷時逐雨聲
麤人頭攜處非人在
何事高吟過五湖

麤眉卓豎語如雷聞說不平便放杯仗劍當空千里去
一更別我二更回

龐眉闔豎惡精神萬里騰空一躡身
背上匣中三尺劍
為天且示不平人

牧童

草鋪橫野六七里笛弄晚風三四聲
歸來飽飯黃昏後
不脫蓑衣卧月明

弱翁帥平涼一方士通謂有牧童牽黃犢隨之弱翁指
牧童曰道人頗能賦此乎方士笑曰不煩我語是兒能之

牧童乃操筆大書云云
或云方士即呂公也

潭州鶴會

這回相見不無緣滿院風光小洞天
一劍當空又飛去
洞庭驚起老龍眠

贈曹先生

鶴不西飛龍不行露乾雲破洞簫清
少年仙子說閑事
遙隔綵雲聞笑聲

題鳳翔府天慶觀

得道年來八百秋不曾飛劍取人頭
玉皇未有天符至
且貨烏金混世流

洞庭湖君山頌

午夜君山翫月回西隣小圃碧蓮開
天香風露蒼華冷雲在青霄鶴未來

題永康酒樓

鯨吸鰲吞數百杯玉山誰起復誰頽
醒時兩袂天風冷一朶紅雲海上來

題壁

西隣已富憂不足東老雖貧樂有餘
白酒釀來緣好客黃金散盡為收書

題黃鶴樓石照

黃鶴樓前吹笛時白蘋紅蓼滿江湄
衷情欲訴誰能會惟有清風明月知

警世

二八佳人體似酥腰間仗劍斬凡夫
雖然不見人頭落暗裏教君骨髓枯

為賈師雄發明古鐵鏡

手內青虵凌白日洞中仙果豔長春
須知物外烟霞客不是塵中磨鏡人

題全州道士蔣暉壁

醉舞高歌海上山天瓢承露結金丹
夜深鶴透秋空碧

萬里西風一劍寒

題廣陵妓屏二首

嫫母西施共此身可憐老少隔千春
他年鶴髮雞皮媪今日玉顏花貌人

花開花落兩悲歡花與人還事一般
開在枝間妨客折落來地上請誰看

題壁

崔中舉進士遊岳陽遇真人錄心園春詞詰其姓名薦之李守排戶而入惟見留詩于壁

腹內嬰兒養已成且居塵市暫娛情
無端措大剛饒舌却入白雲深處行

閑題

獨自行來獨自坐無限世人不識我
惟有城南老樹精分明知道神仙過

絕句

息精息氣養精神精養丹田氣養身
有人學得這般術便是長生不死人
斗笠為帆扇作舟五湖四海任遨遊
大千沙界須臾至石欄松枯經幾秋

恒超

恒超姓馮氏范陽人居棣州開元寺
終於後漢之乾祐

辭郡守李公恩命

虛著褐衣老浮杯道不成誓傳經論死不染利名生厭
樹遮山色憐窓向月明他時隨范蠡一棹五湖清

淨顯

淨顯五代時洛陽首座沙門後漢初卒

題廣愛寺楞伽山

關首二句

靈異不能棲鳥雀幽竒終不看猿猴為經巢賊應無損
縱使秦驅也漫勞珍重昔賢留像迹陵遷谷變自堅牢

漢宗廟樂舞辭

五代史樂志曰漢宗廟酌獻樂舞文祖室空靈長之舞
德祖室積善之舞翼祖室奉顯仁之舞高祖室奉靈長之舞
高祖室觀德之舞唐餘錄曰高祖追尊四祖廟且遂引漢之二祖為
因傳會其禮乃曰太祖高皇帝創業垂統室奏武德之舞世祖光武皇帝再造丕

基室奏大武之舞自如其舊而
大武即用東平王蒼詞云

武德舞

明明我祖天集休明神母夜哭彤雲書興籩豆有踐管
籥斯登孝孫致告神其降靈

靈長舞

天降祥漢祚昌火炎上水靈長建廟社潔蒸嘗羅鐘石
儼珩璜陳玉豆酌金觴氣昭感德馨香祇洛汭瞻晉陽
降吾祖福穰穰

積善舞

黍稷斯馨祖德惟明蛇告赤帝龜謀大橫雲行雨施天

成地平造我家邦
幹我璿衡陶匏在御
醴盍惟精或夏
或擊載炮載烹飲福受昨
舞降歌迎滔滔不竭
洪惟水
行

顯仁舞

運極金行謝天資
水德隆禮神廊時
館布政未央宮詰
旦備明祀登歌荅
茂功雲軒臨降久
星俎薦陳豐霽霽
沈檀霧鏘鏘環佩
風榮煌升藻藉肸
鬩轉珠櫳尊祖咸
韶備貽孫書軌同
京坻長有積宗享
享無窮

章慶舞

采恩曉唱雞人三
牲八簋斯陳霧集
瑤階瑣闥香生綺

席華茵珠佩貂璫
熠燿羽旄千戚紛
綸酌鬯既終三獻
凝旒何止千春阿
閣長棲綵鳳郊宮
壘奏祥麟亦伏英
靈未泯元圭運祚
重新玉宇犧樽激
灑龍旂鳳轄逡巡
瞻望月遊冠冕猶
疑蒼野回輪

全五代詩卷十五

羅江李調元雨村編

周

王朴

朴字文伯東平人少舉進士為校書郎周世宗
 鎮壇州辟掌書記即位遷北郭郎中獻平邊策
 遷左諫議大夫知開封府事充端明殿學士世
 宗慨然有平一天下之志引朴計議天下事無
 不合遂決意用朴拜戶部侍郎遷樞密使留守
 京師顯德六年春遣視汴口還過故相李穀弟

疾作仆于坐上昇歸卒年五十四世宗臨其喪以玉鉞叩地大慟者數四贈侍中

五代史世宗之時外事征伐而內脩法度

朴為人明敏多材智非獨當世之務至於陰陽律歷之法莫不通焉顯德二年詔朴校定大曆乃削去近世符天流俗不經之學設通經統三古以歲軌離交朔望周變率策之數步日月五星為欽天曆六年又詔朴考正雅樂朴以謂十二律管互吹難得其真乃以京房為律准以九尺之絃十三依管長短寸分設柱用七聲為均樂成而和朴性剛果又見信於世宗凡其所為當時無敢難者然人亦莫能加也世宗征淮朴留京師廣新城通道路壯偉宏潤合京師之制多其所規為其所作樂至合用之不可變其陳用兵之畧非特一時之策至言諸國興滅次第云淮南可最先取并必死之寇最後亡其後宋興平定四方惟并獨後服皆如朴言

周郊祀樂章

羽衛離丹闕金軒赴泰壇珠旗明月色玉佩曉霜寒黼黻龍衣備琮璜寶器完百神將受職宗社保長安

扈載

載字仲熙北燕人周廣順初舉進士高第拜校書郎直史館遷監察御史遷水部員外郎翰林

學士卒

五代史載為文章以辭多自喜嘗在唐代有國廢與治亂之迹為連源賦甚詳又因遊相國寺見庭竹可愛作

碧鮮賦題其壁世宗聞之遣小黃門就壁錄之覽而稱善因拜學士初載以文知名一時樞密使王朴尤重其才薦于宰相李穀久而不用朴以問穀曰扈載不為舍人何也穀曰非不知其才然載命薄恐不能勝朴曰公為宰相以進賢退不肖為職何言命邪已而召拜知制誥及為學士居歲中病卒年三十六議者為穀能知人而朴能薦士歐陽修史論是時天子英武樂延天下奇才而尤禮文士載與張昭實儼同穀徐台符等俱被進用穀居數人中文辭最劣尤無行昭儼數與論議其文榮然而穀徒能先意所在以進諛取合人主事無大小必稱美頌贊至於廣京城為木偶耕人紫芝白兔之類皆為頌以獻其辭大抵類俳優而載以不幸早卒論議雖不及昭儼而不為穀之

芳草

幽芳無處無幽處恨何如倦客傷歸思春風滿舊居晚
烟迷杳靄朝露健扶踈省傍靈光看殘陽少皞區

孟貫

貫字一之建安人仕周官至大夫

江西通志貫少好學嘗遊廬山下居

其下以禮義文章節儉為當時師範人稱孟夫子 江南野錄周世宗幸

廣陵貫以集獻世宗見首卷貽樓陰洞譚先生詩云不伐有巢樹多移無

主花謂貫曰伐叛弔民何有巢無主之有獻朕則可他人知將不免遂釋

褐授官其詩大諫楊徽之稱之 詩史閩嶺貫性疎野喜篇重木以名

草堂云掃葉林風後拾薪山雨前

山中夏日

深山宜避暑門戶映嵐光夏木蔭溪路晝雲埋石牀心

源澄道靜衣葛藹泉涼莫得紅塵裏誰知此興長

山齋早秋雨中

深居少往還卷箔早秋間雨洒吟蟬樹雲藏嘯飲山炎
蒸如便退衣葛亦堪閒靜坐得無事酒卮聊暢顏

早秋吟眺

新秋新雨後獨立對遙山去鳥望中沒好雲吟裏還長
年慙道薄明代取身閒從有西征思園林懶閉閑

江邊閒步

閒來南渡口迤邐看江楓一路波濤畔數家蘆葦中遠
汀排晚樹深浦漾寒鴻吟罷慵回首此情誰與同

冬日登江樓

高樓迎古岸野步晚來登江水因寒落山雲為雪凝遠
村雖入望危檻不堪凭親老未歸去鄉愁徒自興

過秦嶺

古今傳此嶺高下勢崢嶸安得青山路化為平地行蒼
苔留虎跡碧樹障溪聲欲過一回首踟躕無限情

過王逸人園林

谷口何時住烟霞一徑深水聲離遠洞山色出疎林雪
彩從沾鬢年光不計心自言人少到猶喜我來尋

宿故人江居

渡口樹冥冥南山漸隱青漁舟歸舊浦鷗鳥宿前汀靜
榻懸燈坐間門對浪高相思頻到此幾番醉還醒

宿山寺

溪山盡日行方聽遠鐘聲入院逢僧定登樓見月生露
垂羣木潤泉落一巖清此景關吾事通宵寐不成

山中訪人不遇

負琴蕪杖藜特地過巖西已見竹軒閉又聞山鳥啼長
松寒倚谷細草暗連溪久立無人事烟霞歸路迷

山中答友人

偶愛春山住因循值暑時風塵非所願泉石本相宜坐

久松陰轉吟餘蟬韻移自慙疎野甚多失故人期

酬東溪史處士

咫尺東溪路年來偶訪遲泉聲迷夜雨花片落空枝石
徑僧逢出山床鶴見移貧齋有琴酒曾許月圓期

贈棲隱洞譚先生

譚紫霄授張首陵天心
正法居廬山棲隱洞

先生雙鬢華深谷卧雲霞不伐有巢樹多移無主花石
泉春釀酒松火夜煎茶因問山中事如君有幾家

贈隱者

世路爭名利深山獨結茅安情自得所非道豈相交百
尺松當戶千年鶴在巢知君於此景未欲等閒拋

懷友人

浮世况多事飄流每嘆君路岐何處去消息幾時聞吟
裏落秋葉望中生暮雲孤懷誰慰我夕鳥自成群

懷果上人

擁錫南遊去名香幾處焚別來無遠信多恐在深雲好
月曾同步幽香省共聞相思不相見林下葉紛紛

寄伍喬

蹉跎春又晚大末信來遲長憶分攜日正當搖落時獨
遊饒旅恨多事失歸期君看前溪樹山禽巢幾枝

寄山中高逸人

烟霞多放曠吟嘯是尋常猿共摘山果僧隣住石房躡
雲雙屐冷採藥一身香我憶相逢夜松潭月色涼

夏日寄史處士

掩關苔滿地終日坐騰騰暑氣冷衣葛暮雲催燭燈寂
寥知得處疎懶似無能還憶舊遊否何年別杜陵

寄李處士

僧話磻溪叟平生重赤松夜堂悲蟋蟀秋水老芙蓉吟
坐倦垂釣閒行多倚筇聞名來已久未得一相逢

寄張山人

草堂南澗邊有客嘯雲烟掃葉林風後拾薪山雨前野

橋通行逕流水入芝田琴月相親夜更深戀不眠

夏日登瀑頂寺因寄諸知己

曾於塵裏望此景在烟霄巖壑水聲近山深暑氣遙杖
藜青石路煮茗白雲樵寄語為即者誰能訪寂寥

寄故園兄弟

久與鄉關阻風塵損舊衣水思和月泛山憶共僧歸村
已添隣舍溪應改釣磯弟兄無苦事不用別庭闈

寄暹上人

聞罷城中講來安頂上禪夜燈明石室清磬出巖泉欲
訪慙多事相辭恨隔年終期息塵慮接話虎溪邊

送吳夢問歸閩

甌閩在天末此去整行衣
久客逢春盡思家冒暑歸
海雲添晚景山瘴減晴暉
相憶吟偏苦不堪書信稀

送江為歸嶺南

舊山臨海色歸路失天涯
此別各多事重逢是幾時
江行晴望遠嶺宿夜吟遲
珍重南方客清風失所思

送人遊南越

孑然南越去替爾畏前程
見說路歧峻不通車馬行
瘴烟迷海色嶺樹帶猿聲
獨向山家宿多應鄉思生

送人歸別業

別業五湖上殘春去路賒
還尋舊山水重到故人家
門徑掩芳草園林落異花
君知釣磯在猶喜有生涯

春江送人

春江多去情相去枕長汀
數鴈別湓浦片帆離洞庭
雨餘沙草綠雲散岸峰青
誰共觀明月漁歌夜好聽

秋江送客

秋風楚江上送子話遊遨
遠水宿何處孤舟春夜濤
浦雲沉鴈影山月照猿啼
莫為饑寒苦便成名利勞

歸鴈

春至衡陽鴈思歸塞路長
汀洲齊奮翼霄漢共成行
雪

盡翻風暖寒收度月涼直應到秋日依舊返瀟湘
韋遵

尊後周官至起居郎

題施璘畫竹圖

枯籜危根繳石頭千竿交映近清流堪珍仲寶窮幽筆
留得荆湘一片秋

安鴻漸

鴻漸周世宗時洛陽人

庶齋老學叢談李士慶孫有文名時謂洛陽才子安鴻漸天下文章李慶孫

題楊凝式書

端州石硯宣城管王屋松烟紫兔毫更得孤卿老書札

人間無此五般高

何承裕

承裕韶州人周世宗時知商州官侍御入宋卒

五代史補承裕有逸才為小詞尤工與陶穀素不協世宗欲擢用承裕陶奏已之及陶之判銓一旦偃息何自外抗聲唱挽歌而入陶甚驚駭承裕曰尚書豈長生不死者耶幸甚無恙聞其一兩曲又何妨陶無以抗又承裕知商州有舉人投卷覽其詩有暮後猿啼旅思悽之句遽曰足下此句甚佳但上句屬對未切奉為改之何不云曉來犬吠張三婦舉人夫慙而去其以滑稽為務如此

寄宣義英公

書札精奇已換鶯仍聞依舊臥烟蘿詩成萬首猶嫌少
酒飲千鍾不怕多鄉寺夜開雲蓋月石房寒鎖洞庭波
知師收拾南歸去為憶漁人唱楚歌

全五代詩

卷十五

周

八

劉坦

坦後周進士第一人及第恭帝時李重進鎮淮

南辟為掌書記

南部新書坦狀元及第為維揚李重進掌書記好酒李令酒庫但書記有客無多少供之尋掌

庫吏頗愴之因大書一絕于屏云重進讀之曰小吏懷酒于書記也立命斬之坦悔而成疾

書從事廳屏上

金殿試迴新折桂將軍留辟向江城思量一醉猶難得
辜負揚州管記名

郭從義

從義其先沙陀部人父紹古事後唐武皇賜姓
李氏從義補內職晉天福初復姓郭歷事四朝

周世宗時以功加檢校太師兼中書令致仕卒

贈夢英大師

雲水僧來說我師換鵝書札轉高竒揮毫傳下千年事
貞石曾留幾處碑混俗市鄆人莫識和光蹤跡鶴應知
蓮花結社須容我不似陶潛愛酒巵

陶穀

穀字秀實邠州新平人本唐彥謙之孫避晉諱
改姓陶歷仕晉漢至周為兵部侍郎翰林承旨
入宋加尚書卒贈右僕射所著有清異錄十國春秋穀使

于吳越王宴於碧波亭因舉酒令曰白玉石碧波亭上迎仙客穀對曰
口耳王聖明天子出錢塘又王罾金鍾宴穀臥病請之贈以十副

五代詩

卷十五

周

九

穀謝詩云乙與金鍾並眼明及出境復有井蛙休時陰句人謂其狡諂
細素襟記周世宗時陶尚書穀奉使江南韓熙載遣家妓奉盤馔及
旦有書謝云巫山之麗質初臨霞侵鳥道洛浦之妖姬自至月滿鴻溝舉
朝不能會其詞熙載因詔家妓訊之云是夕適浣濯焉 國老談苑陶穀
又嘗奉使兩浙獻詩二十韻於錢俶其末云此生頭已白無路掃王門時
穀官是承郎職為學士奉命小邦獻詩已是失體復有掃門之句何辱
命之甚也 玉壺清話朝廷使陶穀使江南以假書為名寔使視之既
至崖岸高峻譙席談笑未嘗放恣韓熙載謂所親曰觀秀寔公安也非
端人介士其守可隨夜遣歌伎秦弱蘭詐為驛卒之女敝衣持帚麗掃
驛庭五柳乘隙因詢其迹翌日以詞贈之曰好姻緣惡姻緣只得郵亭
一夜眼別神仙琵琶撥盡相思調知音少安得鸞膠續斷弦是何年後
數日譙于澄心堂李主命玻璃巨鍾滿酌之穀毅然不顧乃出弱蘭于
席歌前闕以侑之穀慚笑不敢不酬囉囉復灌酒在吐茵尚末許罷大為
主所薄還朝日止遣數吏餞于郊亭遂歸京卒不用 順符錄穀來
使忠懿王宴之因食蠟蟬詢其族類王命自蠟蟬至彭蠡凡十餘種以進
穀曰真所謂一蟹不如一蟹也蓋以說王也王因命進朝學樂曰此先王
時有此品味庖人依樣造者穀在中朝有詩云年年依樣畫葫蘆故王
以此戲焉 全唐詩話穀使南唐題云西川狗百姓眼馬包兒御厨
飯末齊正解云十二字包四字云獨眠孤館據遺以為驛中女兒所書
貢父詩話不用斷字唐人作斯音五代時作入聲陶穀詩云尖簷

帽子卑凡斯是也歐陽公記陶穀詩末厥兵不曉其意余謂今人呼
禿尾犬為厥尾衣之短者亦呼為厥然則此兵正謂其末賤耳今人
不以末厥相連言之其義則是也不然則不可對卑凡斯 書瓊錄
太祖嘗謂陶穀一雙鬼眼 續湘山野錄國初陶尚書以朝廷眷待
詞臣不厚乞罷禁林太祖曰此官職甚難作依樣葫蘆且作且作不
許罷復不進用因題玉壺云云駕幸見之愈不悅卒不用 清異
錄予讀胡嶠茶詩雷牙舊姓餘甘氏破睡當封不夜侯愛其新奇猶
子疊年十二歲令效法之近晚成篇云生涼好喚雞蘇佛回味宜稱
橄欖仙爨亦文辭
之有基址者也

寄贈夢英大師

是箇碑文念得全聰明靈性自天然離吳別楚三千里
入洛遊梁二十年負藝已聞喧世界高眠長見卧雲烟
相逢與我情何厚問佛方知宿有緣

題玉堂壁

官職須由生處有文章
不管用時無堪笑翰林陶學士
年年依樣畫葫蘆

李昉

昉字明遠深州饒陽人漢乾祐中舉進士周顯
德中仕至翰林學士入宋拜中書侍郎平章事
卒謚文正有集

翰林名贊李文正公昉少時常以詩呈叔侍中
覽而喜之詩曰及觀西里盛世世秉鈞衡李氏
自五代至本朝世居將相總龜附李文正進永昌陵宮辭云奠玉五
朝上帝御樓三度納降王當時群臣皆進惟文正詞最為首出所謂三
王者廣南劉鋹西蜀孟昶江南李煜也歷代吟譜昉有句云水光先
月露氣早知秋佳句也馬令南唐書賓于歸南唐為塗陽令贖貨學
死時李昉事皇朝為翰林學士乃賓于同年進上聞
賓于繼以詩遺之云云後主見詩貸之復其官

贈賈黃中

七歲神童古所難
賈家門戶有衣冠
十人科第排頭上
五部經書誦舌端
見榜不知名字貴
登筵未識管弦歡
從今穩上青雲去
萬里誰能測羽翰

寄孟賓于

幼携書劍別湘潭
金榜標名第十三
昔日聲塵喧洛下
近年詩價滿江南
長為邑令情終屈
縱處曹郎志未甘
莫學馮唐便休去
明君晚事未為慚

仙客

胎化仙禽性本殊
何人携爾到京都
因加美號為仙客
稱向閑庭伴野夫
驚露秋聲雲外遠
翹沙晴影月中孤

青田萬里終歸去暫處雞群莫歎吁

贈襄陽妓

峴山亭畔紅妝女小筆香牋善賦詩
顏貌共推傾國色篇章皆是斷腸辭
便牽魂夢從今日得見嬋娟在幾時
千里關河萬重意夜深無睡暗尋思

禁林春直

疎簾搖曳日輝輝直閣深嚴半掩扉
一院有花春晝永八方無事詔書稀
樹頭百轉鶯鶯語梁上新來燕燕飛
豈合此身居此地妨賢尸祿自知非

題岱宗無字碑

巨石來從十八盤離宮復道滿千山
不因封禪窮民力漢祖何緣便入關

永昌陵輓詞

丹青史筆敢虛張功德巍然軼漢唐
莫玉五回朝上帝御樓三度納降主

王溥

溥字齊物并州祁人漢乾祐中進士為秘書郎
周廣順初拜端明殿學士恭帝嗣位官同平章
事右僕射入宋封祁國公卒謚康獻有集

石林詩話五代王仁裕知貢舉王丞相溥為狀元時年二十六後六年遂相周世宗猶及本朝以太子太保罷歸班年才四十二前此所未有也初溥拜相仁裕致

什無恙以詩
和之詩見前

謝進士張翼投詩兩軸

清河詩客本賢良
惠我新吟六十章
格調宛同羅給事
功夫深似賈司倉
登山始覺天高廣
到海方知浪渺茫
好去蟾宮是歸路
明年應折桂枝香

詩牡丹

棗花至小能成實
桑葉雖柔解吐絲
堪笑牡丹如斗大
不成一事又空枝

范質

質字文素大名宗城人後唐長興四年進士

天福中為翰林學士周廣順初拜中書侍郎同

中書門下平章事入宋卒封魯國公有集

邵氏聞見錄魯

公舉進士和凝為主文愛其文賦疑自以第十三登第謂魯公居之文宜冠多士屈居十三者欲君傳老夫衣鉢耳魯公以為榮至先後為相有獻詩者云從此廟堂添故事登庸衣鉢亦相傳周相舉兵向關京師亂魯公隱於民間一日坐封邱巷茶肆中有人貌怪陋前揖曰相公無慮時暑中公所執扇偶書大暑去酷吏清風來故人詩云其人曰世之酷吏冤獄何止如大暑也公他日當深究此弊因攜其扇去公惘然久之後至祇廟見一土偶短鬼貌肖茶肆見者扇亦在其手中公心異焉 宋史質生之父母夢神人授以五色筆九歲能屬文晉宰相桑維翰深器之漢初加中書舍人戶部侍郎周祖征叛每朝廷遣使齎詔處分軍事比自合機宜周祖問誰為此辭使者以質對數曰宰相器也周祖自鄴起兵向關京城擾亂質匿民間物色得之喜甚時大雪解袍衣之世宗不豫入受顧命恭帝嗣位加開府儀同三司封蕭國公及太祖北征為六師推戴自陳橋還府署時質方就食閣中太祖入幸王溥觀仁浦就府謁見太祖對之嗚咽流涕具言擁逼之狀質等未及對軍校羅彥瓌舉刀擬質曰我輩無主今日須得天子太祖叱彥瓌不退質不知所措乃與溥等降階受命卒年五十四將斂戒其子莫勿請謚勿刻墓碑太宗嘗稱之曰宰相中龍

循規矩慎名器持廉節無出質右者但欠世宗一死為可惜爾
從子校書郎某來奏遷秩實作詩曉之時人傳誦以為勸戒

誠兒姪八百字

昨得謝課書希於京秩之中更與遷轉余以諸
兒姪輩生長以來未諳外事艱難損益惜之莫
因抒古詩一章曉之

去年初釋褐一命到蓬邱青袍春草色白紵棄如仇適
會龍飛慶王澤天下流爾得六品階無乃太為優凡登
進士第四選升校讐歷官十五考叙階與爾儔如何志
夫滿意欲凌雲遊若言品位卑寄書來我求省之再三
歎不覺淚盈眸吾家本寒素門地寡公侯先子有令德

樂道尚優游生逢世多僻委任信沈浮仕宦不喜達吏
隱同莊周積善有餘慶清白為貽謀伊余奉家訓孜孜
務進循夙夜事勤肅言行思悔尤出門擇交友防慎畏
薰猶省躬常懼玷恐掇庭闈羞童年志於學不惜為箕
裘二十中甲科頰尾化為蚪三十八翰苑步武向瀛州
四十登宰輔貂冠侍寬旒備位行一紀將何助帝猷既
非救旱雨豈是濟川舟天子未遐棄口益素餐憂黃河
潤千里草木皆浸漬吾宗凡九人繼踵昇官次門內無
白丁森森朱綠紫鵷行洎內職亞尹州從事府椽監省
官高低皆清美悲由僥倖升不因資考至朝廷懸爵秩

命之曰公器才者祿及身功者賞於世非才及非功安
得需厚利寒衣內府帛饑食太倉米不蠶復不穡未嘗
勤四體雖然一家榮豈塞衆人議顯顯十目窺覷千
人指借問爾與吾如何不自媿戒爾學立身莫若先孝
弟怡怡奉親長不敢生驕易戰戰兢兢造次必於是
戒爾學干祿莫若勤道藝嘗聞諸格言學而優則仕不
患人不知惟患學不至戒爾遠恥辱恭則近乎禮自卑
而尊人先彼而後已相胤與茅鷄宜鑒詩人刺戒爾勿
曠放曠放非端士周孔垂名教齊梁尚清議南朝稱八
達千載穢青史戒爾勿嗜酒狂藥非佳味能移謹厚性

化為凶暴類古今傾敗者歷歷皆可記戒爾勿多言多
言衆所忌苟不慎樞機災危從此始是非毀譽間適足
為身累舉世重交遊擬結金蘭契忿怨從是生風波當
時起所以君子心汪汪淡如水舉世好承奉昂昂增意
氣不知承奉者以爾為玩戲所以古人疾遽篠與戚施
舉世重任俠俗呼為義士為人赴急難往往陷刑死所
以馬援書殷勤戒諸子舉世賤清素奉身好華侈肥馬
衣輕裘揚揚過閭里雖得市童憐還為識者鄙我本羈
旅臣遭逢堯舜理位重才不充戚戚懷憂畏深淵與薄
冰蹈之唯恐墜爾曹當憫我勿使增罪戾閉門斂蹤跡

縮首避名勢名勢不久居畢竟何足恃物盛必有衰有
隆還有替速成不堅牢亟走多顛躓灼灼園中花早發
還先萎遲遲澗畔松鬱鬱含晚翠賦命有疾徐青雲難
力致寄語謝諸郎躁進徒為爾

盧多遜

多遜懷州河內人周顯德中舉進士累官集賢
校理遷左拾遺集賢殿脩撰入宋歷中書侍郎

平章事坐事謫崖州

芙蓉塘詩話多遜在朝行將歷代帝王
年應功臣事迹天下州郡圖誌理體

事務沿革典故括成一百二十絕詩以備應對由是每所顧問無不
知者以至踐清途登鈞席皆此力耳 後山詩話太祖夜幸後池
對新月置酒召使賦詩請韻曰字子兒其
詩云云太祖大喜盡以坐間飲食器賜之

新月應制

太液池邊看月時好風吹動萬年枝誰家玉匣開新鏡
露出清光些子兒

呂端

端字易直幽州安次人以蔭補千牛備身仕周
為直史館歸宋同中書門下平章事謚文正

雜記李昉呂端同薦文館
各登台輔呂公贈詩云云

贈李公

憶昔僦居明德坊官資俱是校書郎青衫共直昭文館
白首同登政事堂佐國廟謨君已展避賢榮路我猶妨

主恩至重何時報老眼相看淚兩行

送英公大師歸終南

衡岳烟蘿紫閣雲名高湖外晚遊秦清詞古學儒生業
圓笠方袍釋子身竹杖拄歸山裡寺篆書留與世間人
我疑簪組成為縛空仰吾師去路塵

梁周翰

周翰字元稹管城人周廣順二年進士為太子
中允入宋工部侍郎有集

禁林讌會

寶書驚絕耀天章飛白親題賜玉堂瑞彩上騰流素月

朗河下注映丹牆鶴盤吳嶼雙翎健鵲顧雕陵巨翼長
遊霧半收懸組練輕雲斜拂駐鸞皇墨池併獲三奇寶
翠琰俱生五色光陪讌禁林知有幸叩頭遙祝萬年觴

曹翰

翰大名人周世宗時仕至德州刺史入宋歷威

塞軍節度使卒謚武毅

青箱雜記曹翰嘗平江南有功後歸環衛數年不調一日內宴賦詩

翰以武人不豫乃自陳曰臣少亦學詩亦乞應詔太宗笑而許之曰卿武人宜以刀字為韻翰援筆立進太宗覽之惻然即自環衛驟遷

內宴奉詔作

三十年前學六韜英名常得豫時髦曾因國難披金甲

不為家貧賣寶刀臂健尚嫌弓力軟眼明猶識陣雲高
庭前昨夜秋風起羞睹盤花舊戰袍

[Faint bleed-through text from the reverse side of the page]

全五代詩卷十六

羅江李調元雨村 編

周

劉 蕙

蕙長安人周末時官榮州刺史

胡震亨云雲間朱氏得宋刺唐百家詩蕙集中

有長春節詩為宋太祖謾曰蓋五代末人而入宋者

貴遊

繡衣公子宴池塘淑景融融萬卉芳珠翠照天春未老
管絃臨水日初長風飄柳線金成穗雨洗梨花玉有香
醉後不能離綺席擬憑青帝繫斜陽



夢歸故園

桐葉飛霜落井欄
菱花藏雪助衰顏
夜窗颯颯搖寒竹
秋枕迢迢夢故山
臨水釣舟橫荻岸
隔溪禪侶啟柴關
覺來依舊三更月
離緒鄉心起萬端
舊館秋寒夜夢長
水簾疎影入迴塘
宦情率爾拋魚艇
客恨依然在燕梁
白鷺獨飄山面雪
紅蕖全謝鏡心香
起來不語無人會
醉倚東軒半夕陽

蜀都春晚感懷

蜀都春色漸離披
夢斷雲空事莫追
宮闕一城荒作草
王孫猶自醉如泥
誰家玉笛吹殘照
柳市金絲拂舊堤

可惜錦江無錦濯
海棠花下杜鵑啼

對雨

幽庭凝碧亦連漪
簷雷聲繁聒夢歸
半岫金烏纔委照
一川石燕又交飛
濯枝霖霖榴花吐
吹渚飄飄暑氣微
因憶故園閑釣處
蒼苔斑駁滿漁磯

春霽

春霽江山似畫圖
醉垂鞭袂出康衢
猖狂亂打鼙鼓
懶慢遲脩鴛鴦書
老色漸來欺鬢髮
閑情將欲傲簪裾
苔錢遍地知多少
買得花枝不落無

秋夕書懷

全五代詩 卷一
荒僻淹留歲已深，解龜無計恨艱任。守方半會蠻夷語，
賀厦全忘燕雀心。夜靜倚樓悲月笛，秋寒欹枕泣霜砧。
宦情總逐愁腸斷，一箇鱸魚直萬金。
直氣從來不入時，掩關慵更釣磻溪。斯文未喪宣尼歎，
吾道將窮阮籍悲。輕粉覆霜凝夜砌，亂金鋪菊織秋籬。
南陽臥久無人問，薄命非才有可疑。

春宵

春雲春日共朦朧，滿院梨花半夜風。宿酒未醒珠箔捲，
艷歌初闋玉樓空。五湖范蠡才堪重，六印蘇秦道不同。
再取秦琴聊假寐，南柯靈夢莫相通。

秋夕書懷呈戎州郎中

素律初迴枕簟涼，松風飄泊入華堂。譚雞寂默紗窗靜，
夢蝶蕭條玉漏長。歸去水雲多阻隔，別來情緒足悲傷。
霜砧月笛休相引，只有離襟淚兩行。
風送秋荷滿鼻香，竹聲敲玉近虛廊。夢迴故國情方黯，
月過疎簾夜正涼。菱鏡也知移艷態，錦書其柰隔年光。
鸞膠處處難尋覓，斷盡相思寸寸腸。

晚樓寓懷

薄暮疎林宿鳥還，倚樓垂袂復憑欄。月沈江底珠輪淨，
雲鎖峰頭玉葉寒。劉毅暫貧雖壯志，馮唐將老自低顏。

無言獨對秋風立擬把朝簪換釣竿

征婦怨

金閨寂寞罷妝臺玉筋闌干界粉腮花落掩閨春欲暮
月圓歌枕夢初迴鸞膠豈續愁腸斷龍劍難揮別緒開
曾寄錦書無限意塞鴻何事不歸來

對鏡

青鏡重磨照白鬚白鬚閑梳意何如故園迢遞千山外
荒郡淹留四載餘風送竹聲侵枕簟月移花影過庭除
秋霜滿領難消釋莫讀離騷失意書

春燕

多時窗外語呢喃只要佳人捲_湘簾大厦已成須慶賀
高門頻入莫憎嫌花間舞蝶和香趁江畔春泥帶雨銜
栖息數年情已厚營巢爭肯傍他簷

春晚寓懷

一承兌澤蒞方州八度春光照郡樓好景幾將官吏醉
名山時領管絃遊空花任爾頻侵眼老雪從他漸滿頭
歸去杜陵池閣在只能歡笑不能愁

中春宴遊

二月風光似洞天紅英翠萼簇芳筵楚王雲雨迷巫峽
江令文章媚蜀箋歌黛入顰春岫斂舞衣新繡曉霞鮮

酒闌香袂初分散笑指漁翁釣暮烟

春晚閑望

東風滿地是梨花只把琴心帶酒家
立處晚樓吹短笛望中春草接平沙
雁行斷續晴天遠燕翼參差翠幕斜
歸計未成頭欲白釣舟烟浪思無涯

秋夕書事

搖落江天萬木空雁行斜戛塞垣風
征閨擣月離秋遠舊館眠雲旅夢通
郢客豈能陪下里皋禽爭肯戀樊籠
此心曠蕩誰相會盡在南華十卷中

蓮塘霽望

新秋菡萏發紅英向晚風飄滿
郡馨萬壘水紋羅乍展一雙鷓鴣繡
初成採蓮女散天歌闋拾翠人歸
楚雨晴遠岸牧童吹短笛蓼花深處
信牛行

送從弟舍人入蜀

嘉陵江畔餞行車離袂難分十里餘
慷慨莫誇心似鐵留連不覺淚成珠
風光川谷梅將發音信雲天雁未踈
立馬舉鞭無限意會稀別遠擬何如

新迴車院筵上作

迴車院子未迴車三載疲民詠袴襦
借冠已承英王詔乞骸須上老臣書
黃金蜀柳籠朱戶碧玉湘筠映綺疏

因問滿筵詩酒客錦江何處有鱸魚

寄長安鄭員外

屈指良交十四人隙駒風燭漸為塵當初花下三秦客
只有天涯二老身乘醉幾同遊北內尋芳多共謁東隣
此時阻隔關山遠月滿江樓淚滿巾

咸陽懷古

高秋咸鎬起霜風秦漢荒陵樹葉紅七國鬪雞方賈勇
中原逐鹿更爭雄南山漠漠雲常在渭水悠悠事旋空
立馬舉鞭遙望處阿房遺址夕陽東

春怨

繡林紅岸落花鈿故去新來感自然絕塞杪春悲漢月
長林深夜泣絃弦錦書雁斷音難寄菱鏡鸞孤貌可憐
獨倚畫屏人不會夢魂纔別戍樓邊

登樓寓望

凭高多是偶汎瀾紅葉何堪照病顏萬疊雲山供遠恨
一軒風物送秋寒背琴鶴客歸松徑橫笛牛童臥蓼灘
獨倚郡樓無限意夕陽西去水東還

江岸獨步

醉卓寒筇傍水行漁翁不會獨吟情龜能顧印誰相重
鶴偶乘軒不可輕簪組百年終長物文章千古亦虛名

是非得喪皆閑事休向南柯與夢爭

江樓望鄉寄內

獨上江樓望故鄉淚襟霜笛共淒涼雲生隴首秋雖早
月在天心夜已長魂夢只能隨蛺蝶烟波無計學鴛鴦
蜀箋都有三千幅總寫離情寄孟光

命妓不至

琴中難挑孰憐才獨對良宵酒數杯蘇子黑貂將已盡
宋宏青鳥又空回月穿淨牖霜成隙風捲殘花錦作堆
歌枕夢魂何處去醉和春色入天台

宣賜錦袍設上贈諸郡客

十月芙蓉花滿枝天庭驛騎賜寒衣將同玉蝶侵肌冷
也遣金鵬遍體飛夜臥始知多忝竊書行方覺轉光輝
深冬若得朝丹闕太華峰前衣錦歸

晨雞

朱冠金距綵毛身昧爽高聲已報晨作瑞莫慚先貢楚
擅場須信獨推秦淮南也伴升仙犬函谷曾容借曉人
此日卑棲隨飲啄寧君驅我亦相馴

芳春

微雨微風隔畫簾金爐檀炷冷慵添桃花滿地春牢落
柳絮成堆雪棄嫌寶瑟不能邀卓氏綵毫何必夢江淹

官情歸興休相撓
隼旆漁舟總未厭

春游

搖搖離緒不能持
滿郡花開酒熟時
羞聽黃鶯求善友
強隨綠柳展愁眉
隔雲故國山千疊
傍水芳林錦萬枝
聖主未容歸北闕
且將勤儉撫南夷

重陽感懷

重陽不忍上高樓
寒菊年年照暮秋
萬疊故山雲總隔
兩行鄉淚血和流
黃茅莽莽連邊郡
紅葉紛紛落釣舟
歸計未成年漸老
茱萸羞戴雪霜頭

載花乘酒上高山
四望秋空八極寬
蜀國江山存不得

劉家豚犬取何難
張儀舊壁蒼苔厚
葛亮荒祠古木寒
獨對斜陽更惆悵
錦江東注似波瀾

宴遊池館

綺筵金碧照芳菲
酒滿瑤卮水滿池
去歲南岐離郡日
今春東蜀看花時
儉蓮發臉當籌箸
緒柳生腰按柘枝
座客半酣言笑狎
孔融懷抱正怡怡

寄高書記

齊朝夢裔祖敖曹
麟角無雙鳳九毛
聲價五侯爭辟命
文章一代振風騷
醉琴自寄陶家意
夢枕誰聽益郡刀
補袞應星曾奏舉
北山南海孰為高

再見從弟舍人

屈指依稀十五年，鸞臺秘閣位相懸。
分飛淮甸雁行斷，重見江樓蟾影圓。
滯跡未偕朝北闕，高才方命入西川。
願君通理須還早，拜慶慈親几杖前。

春書醉眠

朱欄芳草綠纖纖，歌枕高堂捲畫簾。
處處落花春寂寂，時時中酒病恹恹。
塞鴻信斷雖堪訝，梁燕詞多且莫嫌。
自有卷書銷永日，霜華未用鬢邊添。

春夕寓興

忘憂何必在庭萱，是事悠悠竟可寬。
酒病未能辭錦里，

春狂又擬入桃源，風吹楊柳絲千縷。
月照梨花雪萬圓，閑泥金徽度芳夕。
幽泉石上自潺湲，訪飲妓不遇，招酒徒不至。

小橋流水接平沙，何處行雲不在家。
畢卓未來輕竹葉，劉晨重到帶桃花。
琴樽冷落春將盡，幃幌蕭條日又斜。
回首却尋芳草路，金鞍拂柳思無涯。

春宴河亭

柳擺輕絲拂嫩黃，檻前流水滿池塘。
一筵金翠臨芳岸，四面烟花出粉牆。
舞袖逐風翻繡浪，歌塵隨燕下雕梁。
蠻箋象管休凝思，且放春心入醉鄉。

蜀都道中

劍閣雲棧亂崢嶸得喪何由險與平千載龜城終失守
一堆鬼錄漫留名季年必不延昏王薄賞那堪激懦兵
李特後來多二世納降歸擬畫公卿

萬葛樹

葉如羽蓋豈堪論百步清陰鎖綠雲善政已聞思召伯
英風偏稱號將軍靜鋪講席麟經潤高拂闕枝兔影分
更有歲寒霜雪操莫將樗櫟擬相群

春夕遣懷

窮通分定莫淒涼且放歡情入醉鄉范蠡扁舟終去

馮唐半世只為郎風飄玉笛梅初落酒汎金樽月未央
休把虛名撓懷抱九原邱隴盡侯王

新蟬

齊女屏幃失舊容侍中冠冕有芳蹤翅翻晚鬢尋香露
聲引秋絲逐遠風旅館聽時髭欲白戍樓聞處葉多紅
只知送恨添愁事誰見凌霄羽蛻功

寄滑州文秀大師

分飛屈指十三年芒屨白峰前別社蓮薄宦偶然來左蜀
孤雲何事在南燕一封瑤簡音初達兩處金沙色共圓
珍重湯休惠佳句郡齋吟久不成眠

中春登樓

金杯不似滌愁腸江郡芳時憶故鄉
 雨岬烟花春富貴一樓風月夜淒涼
 王章莫耻牛衣淚潘岳休驚鶴鬢霜
 歸去蓮花歸未得白雲深處有茅堂
 古今通塞莫咨嗟漫把霜髯敵歲華
 失手已慙蛇有足用心休為鼠無牙
 九天雲淨方憐月一夜風高便厭花
 獨倚郡樓人不會釣舟春浪接平沙

自遣

未上亨衢獨醉吟賦成無處博黃金
 家人莫問張儀舌國士須知豫讓心
 照乘始堪沽善價陽春爭忍混凡音

鷗鷺鱗翼途程在九萬風雲海浪深

偶有下殤因而自遣

彭壽殤齡共兩空幻泡緣影夢魂中
 缺圓宿會長如月飄忽浮生疾似風
 修短百年先後定賢愚千古是非同
 南柯太守知人意休問陶陶塞上翁

倦學

樂廣亡來冰鏡稀宓妃嫫母混妍媸
 且於霧裡藏元豹休向窗中問碧雞
 百氏典墳空自苦一堆螢雪竟誰知
 門前春色芳如畫好掩書齋任所之

去年今日

去年今日到榮州五騎紅塵入郡樓
貔虎只知迎太守蠻夷不信是儒流
姦豪已息時將泰疲瘵全蘇歲又周
聖主若容辭重祿便歸烟水狎群鷗

晝寢

花落青苔錦數重書淫不覺避春慵
恐倩枕上飛莊蝶任爾雲間騁陸龍
玉液未能消氣魄牙籤方可滌昏蒙
起來已被詩魔引窗外寒敲翠竹風

郡齋寓興

依約樊川似旭川郡齋風物盡蕭然
秋庭碧蘚鋪雲錦晚閣紅蕖簇水仙
醉筆語狂揮粉壁歌梁塵亂拂花鈿

情懷放蕩無羈束地角天涯亦信緣

郡樓閑望書懷

郡樓樓閣繞江濱風物清秋入望頻
銅鼓祭龍雲塞廟蘆花飄鷺雪粘人
蓮披淨沼羣香散鷺點寒烟玉片新
歸去杜陵池館在且將朝服拂埃塵

玉燭花

嫋嫋香英三四枝亭亭紅艷照階墀
正當晚檻初開處却似春闈就試時
少女不吹方熠燿東君偏惜未離披
夜深斜倚朱欄外擬把隣光借與誰

從弟舍人惠茶

曾求芳茗貢蕪詞果沐頒露味甚奇龜背起紋輕
雲頭翻液乍烹時老丞倦悶偏宜矣舊客過從別有之
重宗親相寄惠水亭山閣自携持

再看光福寺牡丹

去年曾看牡丹花蛺蝶迎人傍彩霞今日再遊光福寺
春風吹我入仙家當筵芬馥歌唇動倚檻嬌羞醉眼斜
未歲未朝金闕去依前和露載歸衙

海棠花

淡淡微紅色不深依依偏得似春心烟輕號國顰歌黛
露重長門斂淚袿低傍繡簾人易折密藏香藥蝶難尋

良宵更有多情處月下芬芳伴醉吟

新竹

近窗臥砌兩三叢佐靜添幽別有功影鏤碎金初透月
聲敲寒玉乍搖風無凭費叟烟波碧莫信湘妃淚點紅
自是子猷偏愛爾虚心高節雪霜中

木芙蓉

素靈失律詐風流強把芳菲半載偷是葉歲蕤霜照夜
此花爛熳火燒秋謝蓮色淡爭堪種陶菊香穠亦合羞
誰道金風能肅物因何厚薄不相侔

送二郎君歸長安

我兒辭去淚雙流蜀郡秦川兩處愁紅葉滿山歸故國
黃茅徧地住他州荷衣曉挂慙官吏菱鏡秋窺訝鬢髮
好向雲泉營舊隱莫教莊叟畏犧牛

送文英大師

屈指平陽別社蓮蟾光一百度曾圓孤雲自在如何處
薄宦參差亦信緣山郡披風方穆若花時分袂更凄然
搖鞭相送嘉陵岼回首群峰隔翠烟

酬勾評事

閒庭欹枕正悲秋忽覺新編浣遠愁才薄口愁安雁戶
夷人內有雁戶蓋徙移不定之故也年高空憶復漁舟鷺翹皓雪臨汀岼蓮燭

紅香匝郡樓對景却慙無藻思南金荆玉卒難酬

初至郡界

嘉陵江畔接榮川兩畔旌旗下瀨船郡印已分炎瘴地
朝衣猶惹御爐烟蓮塘小飲香隨艇月榭高吟水壓天
錦字莫嫌歸路遠華夷一統太平年

到郡後有寄

蜀路新修盡坦平交親深幸再逢迎正當返袂思鄉國
却似歸家見弟兄霑澤只慙堯綯重泝流還喜范舟輕
欲將感戀裁書旨多少魚箋寫得成

長春節

聖朝佳節遇長春
跪捧金爐祝又林
大寶藏發來天地秀
兵戈銷後帝皇尊
太平基址千年永
混一車書萬古存
更有馨香滿芳檻
和風遲日在蘭蓀

登郡樓書事

偶奉綸書蒞旭川
郡樓嘉致盡依然
松歌鳥道雲藏寺
月滿漁舟水浸天
望帝古祠花簇簇
錦城歸路草芊芊
有時倚檻垂雙袂
故國風光似眼前

旭川祁宰思家而卒因述意呈秦川知己

歲稔民康絕訟論
政成公暇自由身
朝看五馬閑如社
夜擁雙姬煖似春
家計不憂憑冢子
官資無愧是朝臣

豈同齷齪祁員外至死悲涼一婦人

登郡樓書懷

烟雨樓臺漸晦冥
錦江澄碧浪花平
卞和未雪荆山耻
莊舄空傷越國情
天際寂寥無雁下
雲端依約有僧行
登高欲繼離騷詠
魂斷愁深寫不成
邊郡荒涼悲且歌
故園迢遞隔烟波
琴聲背俗終如是
劍氣衝星又若何
朝客漸通書信少
釣舟頻引夢魂多
北山更有移文者
白首無塵歸去麼

莫嗔阮氏哭途窮
萬代深沈恨亦同
瑞玉豈知將抵鵲
鉛刀何事却屠龍
九夷欲適嗟吾道
五柳終歸效古風

獨倚郡樓無限意滿江烟雨正冥濛

偶聞官吏舉請輒有一篇寄從弟舍人

官吏潛陳借寇詞宦情鄉夢兩相違
青城錦水無心住紫閣蓮峰有意歸
張翰鱸魚因醉憶孟光書信近春稀
黃茅瘴色看看起貪者猶疑別是機

誠是非

巧舌如簧總莫聽是非多自愛憎生三人告母雖投杼
百犬聞風只吠聲辨玉且寬和氏罪誣金須認不疑情
因思疇昔遊談者六國交馳亦受惠

簡豎儒

蹄涔豈信有滄浪螢火何堪並太陽淵奧未曾探禹穴
矜誇更擬越邱墻小巫神氣終須怯下里音聲必不長
近日冰壺多晦昧虎皮羊質也觀光

貽諸學童

橫經叉手步還趨積善方知慶有餘五箇小雛離學院
一行新雁入貧居攘羊告罪言何直舐犢牽情理豈虛
勸爾立身須苦志月中丹桂自扶疎

春夜

薄薄春雲籠皓月杏花滿地堆香雪醉垂羅袂倚朱欄
小數玉仙歌未闕

春遊

柳成金穗草如茵
載酒尋花共賞春
先入醉鄉君莫問
十年風景在三秦

中夏晝卧

寂寂無慘九夏中
傍簷依壁待清風
壯圖奇策無人問
不及南陽一卧龍

西齋

西齋新竹兩三莖
也有風敲碎玉聲
莫恨移來欄檻遠
譬如元本此間生

全五代詩卷十七

羅江李調元雨村編

周

胡宿

宿周末人

調元按宋天聖初亦有胡宿字武平晉陵人登第拜樞密副使知杭州以太子少卿致仕與此胡宿雖是兩人而後人訛為一人以為五代末人宋者然不應相隔如是之遠姑就五代末之說附于周以俟考

彭山贈貫之

彭山隔重湖落日見孤塔
揚舫入空曠烟樹散鵝鴨
山中老臞仙萬頃纖芥納
乘風落珠唾暝色遠相答
平生爾汝分磁鐵契已狎
萬緣一笑空箇處無剩法
方舟過

全五代詩

卷十七

周

一

谷隱風雨寒霎霎黎明帶星歸尚及齋鼓踏臨歧戒後
會梅熟新秧插期我散繡楮莫忘鷗盟歎

送楊中允宰常熟

丹舸傍江尋嘔啞遠艣音新科持片玉能政引孤琴美
進宮坊秩榮歸里開心名參天下雋歌著邑中黔地志
連香徑家園帶武林吳山幾屏秀楚水一篙深晚鼓停
餘疊秋帆臥半陰平時接方驥後夜望橫參陶菊何妨
醉江毫且剩吟悠悠河上別千里鬱朋簪

送顯忠上人歸吳郡

秋風隨處起振錫不留行卻背嵩雲去迎看淮月生

通少林默詩杼小山清幾夕巖窗下忘眠聽瀑聲

太湖石

海岱鉛松妄得名洞庭山脚失寒瓊漱成一朶孤雲勢
費盡千年白浪聲誰向機邊逢織女直疑巖下見初平
年來賞物多成病日遶蒼苔幾徧行

宿秀峯寺

夕鐘初斷海鯨音投宿香園半翠岑冰簟浸牀消客夢
水簾澄月伴僧吟雄風拂衽清涼極珍樹交柯翠鬣深
一夜漢陰機事息草堂虛論破煩襟

過桐廬

兩岸山花中有溪山花紅白徧高低靈源忽若乘槎到
仙洞還同採藥迷二月辛夷猶未落五更鴉白最先啼
茶烟漁火遙堪畫一片人家在水西

塞上

漢家神箭定天山烟火相望萬里間契利請盟金七酒
將軍歸臥玉門閑雲沉老上妖氛斷雪照回中探騎閑
五餌已行王道勝絕無刁斗至闐顏

飛將

曾從嫖姚立戰功胡雛猶畏紫鬚翁雕戈夜統千廬會
緹騎秋畋五柞宮後殿拜恩金印重北堂開宴玉壺空

從來敵國威名大麾下多稱黑稍公

次韻朱沈春雨之什

蒼野迷雲黯不歸遠風吹雨入巖扉石林潤極琴絲緩
水閣寒多酒力微夕夢將成還滴滴春心欲斷正霏霏
憂花惜月長如此爭得東陽病骨肥

淮南王

貪鑄金錢盜寫符何曾七國戒前車長生不待爐中藥
鴻寶誰收篋內書碧井林空天影在小山人去桂叢疎
雲中雞犬無消息麥秀漸漸徧故墟

早夏

五代詩

卷十七

周

三

井轄投多思不禁密垂珠箔晝沈沈睡驚燕語頻移枕
病起蛛絲半在琴雨徑亂花埋宿艷月軒修竹轉涼陰
一春酒費知多少探盡囊中換賦金

芙蓉湖

小湖香豔戰芙蓉碧葉田田擁釣篷嵐氣散飛山隔斷
秋光不定水遙空翩躚雪鳥爭投浦潑刺霜鱗對擲風
正是滄浪濯纓日一竿多謝紫溪翁

函谷關

天開函谷壯關中萬古驚塵向此空望氣竟能知老子
棄繻何不識終童謾持白馬先生論未抵鳴雞下客功

符命已歸如掌地一丸曾誤隗生東

津亭

津亭歌闕戒棠舟五兩風來不暫留西北浮雲連魏闕
東南初日滿秦樓層城渺渺人傷別芳草萋萋客倦遊
平樂舊懽收不得更凭飛夢到瀛洲

冲虚觀

五粒青松護翠苔石門岑寂斷纖埃水浮花片知仙路
風遞鸞聲認嘯臺桐井曉寒千乳斂茗園春嫩一旗開
馳烟未勒山亭字可是英靈許再來

淮南發運趙邢州被詔歸闕

全宋詩 卷七
天臺封詔紫泥馨馬首前瞻北斗城人在函閔先望氣
帝於京兆最知名一區東第趨晨近數刻西廂接晝芳
正是兩宮裁化日百金雙壁拜虞卿

憶薦福寺牡丹

十日春風隔翠岑祇因繁朵自成陰尊前可要人頽玉
樹底遙知地側金花界三千春渺渺銅檄十二夜沈沈
雕盤分筭何由得空作西州擁鼻吟

古別

長安何年祖輟休風帆不斷岳陽樓佳人挾瑟漳河曉
壯士悲歌易水秋九帳清油徒自負百壺芳醕豈消憂

至今長樂坡前水不啻秦人怨隴頭

寄昭潭王中立

高弦一弄武陵深六幘天空萬里心吳苑歌驪成
楚峰回雁好歸音十千美酒花期隔三百枯棋奕
莫上孤城頻送目浮雲西北是家林

雪

屏翳驅雲結夜陰素花飄墜惡氛沈色欺曹國麻衣
寒入荆王翠被深天上明河銀作水海中仙樹玉
日高獨擁鸛裘臥誰乞長安取酒金

天街曉望

長樂才聞一叩鐘百官初謁未央宮金波穆穆沙隄
玉樹瑋瑋上苑風香重椒蘭橫結霧氣寒龍虎遠浮空
嗟余索米無人問行避霜臺御史驄

趙宗道歸輦下

汭牒相逢楚水渚竹林文酒此攀嵇半氈未暖還傷別
一臂初交又解携江浦嘔啞風送榜河橋勃窣柳垂隄
明年四月秦關到洗眼揚州看馬啼

感舊

千里青雲未致身馬蹄空踏幾年塵曾迷玉洞花光老
欲過金城柳眼新粉壁已沈題鳳字酒壚猶記姓黃人

塢中橫笛偏多感一涕闌干白角巾

城南

昨夜輕陰結夕霏城南十里有香泥初聞山鳥驚新
遙見林花識舊蹊蕩漿遠從芳草渡墊巾還傍綠楊
羅敷正苦桑蠶事惆悵南來五馬蹄

侯家

洞戶春遲漏箭長短轅初返雒陽傍綵雲按曲青岑
沈水薰衣白壁堂前檻蘭苕依玉樹後園桐葉護銀
宴殘紅燭長庚爛還促朝珂謁未央

殘花

雨壓殘紅一夜凋
曉來簾外正飄搖
數枝翠葉空
萬片香魂不可招
長樂夢回春寂寂
武陵人去水
愁將玉笛傳遺恨
苦被芳風透綺寮

次韻徐爽見寄

五兩青絲帝渥深
平時何敢嘆英沈
侏儒自是長
游統都來直數金
寂寞死灰人喪偶
婆娑生意樹
年來想見瓊枝色
久夢濛濛到竹林

李九齡

九齡周末人

贈馬道士

水共逍遙雲共孤
混時言笑只佯愚
經年但醉宜城酒
千里唯擔華嶽圖
尋野鶴來空碧洞
覓琴僧去渡重湖
人間再見知何日
乞取先生石轆轤

贈譚先生

古觀重重繞翠微
松杉深處掩雙扉
雲生萬壑投龍去
海隔三山放鶴歸
花洞宴遊春日永
石壇朝禮曙星稀
每聽高論長生理
擬向囊中便拂衣

上清辭五首

入海浮生汗漫秋
紫皇高宴五雲樓
霓裳曲罷天風起
吹散仙香滿十洲

樓鏤彤霞地絕塵碧桃花發九天春東皇近日慵遊宴
閑煞瑤池五色麟

上清仙路有丹梯影響行人到即迷不會無端箇漁父
阿誰教入武陵溪

本來方朔是真仙偶別丹臺未得還何事玉皇消息晚
忍教顛顛向人間

新拜天官上玉都紫皇親授五靈符群仙箇箇未相問
人世風光似此無

讀三國志

有國由來在得賢莫言興廢是循環武侯星落周瑜

平蜀降吳似等閑

山舍南溪小桃花

一樹繁英奪眼紅開時先合占東風可憐地僻無人賞
拋擲深山亂木中

春行遇雨

夾路輕風撼柳條雨侵春態動無慘採香陌上誰家女
濕損釵頭翡翠翹

登樓寄遠

滿城春色花如雪極目烟光月似鈞總是動人鄉思處
更堪容易上高樓

望思臺

漢武年高慢帝圖任人曾不問賢愚直饒四老依前出
消得江充寵佞無

山舍偶題

門掩松蘿一迳深偶攜藜杖出前林誰知盡日看山坐
萬古興亡總在心

荆溪夜泊

點點漁燈照浪清水烟疎碧月朧明小灘驚起鴛鴦處
一隻採蓮船過聲

旅舍臥病

家隔西秦無遠信身隨東洛度流年病來旅館誰相問
牢落閑庭一樹蟬

代邊將

雪凍陰河半夜風戰回狂虜血漂紅據鞍遙指長安路
須刻麟臺第一功

夜與張舒話別

愁聽南樓角又吹曉雞啼後更分離如何銷得淒涼思
更勸燈前酒一卮

寒梅詞

霜梅先拆嶺頭枝萬卉千花凍不知留得和羹滋味在

任他風雪苦相欺

題靈泉寺

入谷先生一陣香異花奇木簇禪堂可憐門外高低路
萬較千蹄日日忙

宿張正字別業

茅屋蕭寥烟暗後松窗寂歷月明初此時誰念孤吟客
唯有黃公一帙書

鶴

天上瑤池覆五雲玉麟金鳳好為群不須更飲
直是清流也汗君

登昭福寺樓

旅懷秋興正無涯獨倚危樓四望餘
滿川空有舊烟霞

過相思谷

悠悠信馬春山曲芳草和烟鋪嫩綠正被離愁著暮
那堪更過相思谷

寫莊子

聖澤安排當散地賢侯優貸借新居閑中亦相閑生計
寫得南華一部書

山中寄友人

亂雲堆裡結茅廬已共紅塵跡漸疎
莫問野人生計事
窗前流水枕前書

杜常

常周末人

華清宮

行盡江南數十程
曉星殘月入華清
朝元閣上西風急
都入長楊作雨聲

滕白

白五代末人官郎中歷臺省有工部集

題文川村居

種茶巖接紅霞塢
灌稻泉生白石根
皤腹老翁眉似雪

海棠花下戲兒孫

李花開

花開周伶人

五代詩話李相穀嘗為陳州防禦謂李字廟見像在破屋中歎息久之伶人李花開趨進獻口號云

口號

破落三間屋蕭條一旅人
不知負何事生死厄千陳

梁補闕

補闕周時人

南部新書米都知者伶人也善騷雅有道之士故西樞王公朴嘗愛其詩云玉堂清話李度顯德中舉進士工詩有醉輕浮

梁補闕有贈詩云云玉堂清話李度顯德中舉進士工詩有醉輕浮世事老重故鄉人之句多謂之王朴為樞密止以此一聯于申文炳文炳知舉遂擢為第三人嘲曰主司只誦一聯詩附見于此

贈米都知

供奉三朝四十年 聖時流落髮衰殘 貧將樂府歌明代 不把清吟換好官

陳搏

搏字圖南自號扶搖子亳州真源人後唐長興

中舉進士不第隱居華山雲臺觀年近百歲周

世宗召至闕下賜號白雲先生放還山入宋賜

號希夷化形于張超谷有高陽集釣潭集

聞見前錄

華山隱士陳圖南游四方有大志隱武當山詩云他年南北去記得此山名本朝張鄧公改南北為南嶽爾其後云解壁題詩志何人可憐公老華圖南蓋唐末時詩也 談苑 搏諱郡真源人與老同鄉里也舉進士不第去隱武當山九室岩 詩鍊氣作詩八十一首號指

言清養之事 宋事寔類苑華陽隱士李尚自言開元中即官百歲呂洞賓有劍術百餘歲面如嬰兒皆皆至 前中嘗以筆

紙令小僮持寄搏搏與酬和 老學菴筆記卽州戶 觀 司命吏 云因奉攀縣尹尚書水南小酌回特叩公高謁高公茶考 時出書于 字道門弟子圖南上詩云我請浮榮首是幻醉來舍轡謁高公因取

冥冥理轉覺塵寰 一夢中未盡太歲丁 自蓋蜀孟昶時當晉天福中 後有文與可跋云高公者此觀都威儀何高也希夷從之學鎖真法 府名談陳希夷先生每睡則半載或數月近亦不下月餘贈金勵睡詩云

玉堂信話陳希夷有詩云我見世人忙 箇箇忙如火忙者不為身忙 忙却可 鄧伯溫易學辨惑陳搏負經 才五季亂離行四方志不 入武當山後隱居華山自晉漢以後每聞一朝革命輒願數日人有問意

目不答一日方東野遊華陰時聞太祖登極驚喜大笑問其故又笑曰天 自此定矣太祖方龍潛時搏嘗曰天之表知太平之有自矣遊迹之 有詩云十年蹤跡走紅塵云云豈淺也 五代史補陳搏能為詩隱居華

山世宗召到闕下拜左拾遺搏不就堅乞歸山世宗許之未幾賜之書勅陳搏 朕以汝高謝人蒙樞心物外養太浩自然之氣應少徵處士之星既不屈於 侯遂隱居於岩壑樂我中之化慶乎下武之期而能遠涉山涂暫來城闕

狹旬延遇宏益居多自雲暫駐於帝鄉好爵難縻於達士昔堯唐之至 聖有巢許為外臣朕雖寡薄庶幾前鑒恐山中所闕已令華州刺史 事供須作反故山履茲春序緬懷高尚當適所宜故茲撫問想宜

悉即陶穀之詞也初博之被召嘗為詩一章有草澤五皇詔云好事者欣然謂之答詔詩 青瑣集先生後歸華陰縣令王睦欲為之起寢于溪岩先生為詩曰華山高處是吾宮云云睦得詩愧謝 古今詩話張忠定公少謁華山陳圖南圖南贈詩一絕云自吳入蜀是尋常歌舞筵中救火忙乞得金陵養閑散也須多謝鬢邊瘡始皆不喻其意後忠定更鎮杭益晚年發瘡于鬢移守金陵遂薨悉如其言 唐宋遺史成都妓人單氏贈陳希夷詩云帝王師不得日月老應難名士多稱之

西峯

為愛西峯好吟頭盡日昂
巖花紅作陣溪水綠成行
幾夜礙新月半山無夕陽
寄言嘉遯客此處是仙鄉

辭上歸隱詩

草澤吾皇詔圖南博姓陳
三峯千載客四海一閑人
世態從來薄詩情自得真
乞全麀鹿性何處不稱臣

贈金勵睡詩二首

常人無所重惟睡乃為重
舉世皆為息魂離神不動
覺來無所知貪求心愈動
堪笑塵中人不知夢是夢
至人本無夢其夢本游仙
真人本無睡睡則浮雲烟
爐裡近為藥壺中別有天
欲知睡夢裡人間第一元

歸隱

十年蹤跡走紅塵回首青山入
夢頻紫陌縱遊爭及睡
朱門雖富不如貧愁聞劍戟扶危主
悶聽笙歌聒醉人
携取琴書歸舊隱
野花啼鳥一般春

冬日晚望

三五七詩

卷七

周

十三

山鬼煖或呼溪魚寒不跳晚景愈堪觀危峯露殘照

與毛女游

藥苗不滿笥又更上危巔回指歸去路相將入翠烟

題石水澗

銀河灑落翠光冷一派回環湛晚暉幾恨却為頑石礙
琉璃滑處玉花飛

華山

半夜天香入岩谷西風吹落嶺頭蓮空愛掌痕似碧蓮
無人曾嘆巨靈仙

與毛女游

曾析松枝為寶櫛又編栗葉作羅襦有時問著秦宮
笑然仙花望太虛

謝華陰令

華山高處是吾宮出即凌空跨晚風臺殿不將金鋪開
來時自有白雲封

齊州人

歌周顯德中齊州有人病狂每歌云自言夢見一紅衣女子引入宮殿皆紅小姑令歌云五靈華蓋曉玲瓏天府由來汝府中惆悵

踏陽春人間三月雨和塵陽春踏盡秋風起腸斷人間

白髮人

全五代詩

卷七

周

十四

章江書生

詩全唐詩話金陵陳省躬顯德中為臨川宰舟經章江泊女兒浦抵臺在書生不通姓名登舟求見與省躬語甚奇問今平朝第幾帝省躬是實對微笑而已生問高吟一詩省躬疑是神仙再拜叩問終無言出船不見所之

西去長沙東上船思量此事已千年
長春殿掩無人掃
滿眼梨花哭杜鵑

馮暉

荅妻

暉與周太祖相善微時與太祖就一道士雕刻以臍作丸中作雁數隻太祖項上作雀及穀戒曰爾曹自愛雀銜穀雁出丸是爾曹通顯時也後太祖登位暉乘旄所刺皆驗先是暉貧遇寒食妻嘗曰節到矣如何辦得暉捫腹云云

休說辦不辦且看瓮裏飛出雁

僧緘

示王處厚

緘大中進士削髮修道云去後周顯德中猶在偽蜀舉子王處厚嘗叩之言其必捷但泰山舉為司命當食幽府祿留四句示之後成名者八士內處厚與王情言策名為二王而二十日後處厚竟亡皆驗焉

周士同成二王殊名王居一焉
百日為程

度世古元歌

後周至真觀小巖橋下掘得石碑刻度世古元歌云云

始青之下月與日兩半同升合五句
一大如彈丸甘如蜜
子若得之慎勿失

顯德道宮石記

顯德中世宗嘗燃三道宮於皇城之西工人發得石一片上有字云云後題道士守真記帝讀之歎異

瑞雲靈跡鎮梁東他日多應與古同
歲月遷移人事改
再來閑處又興功

連水古冢餅文

周顯德乙卯歲偽連水軍使秦進崇修城發古冢棺皆腐得一餅中更有一餅黃質黑文成隸字云云

其明年周師伐
吳進崇死之

一雙青鳥子飛來五兩頭借問船輕重寄信到揚州

周郊祀樂章

五代史樂志曰太祖廣順元年邊蔚議改漢十二成為十一順之樂祭天神奏昭順之樂祭地祇奏寧順之樂祭宗廟奏肅順之樂登歌奠玉帛奏感順之樂皇帝行及臨軒奏治順之樂王公出入送文舞迎武舞奏忠順之樂皇帝食舉奏康順之樂皇帝受朝皇后入宮奏雍順之樂皇太子軒懸出入奏溫順之樂正至皇帝禮會登歌奏禮順之樂郊廟組入奏禋順之樂酌獻飲福奏福順之樂祭孔宣父齊太公降神同用禮順之樂三公升降及行同用忠順之樂享籍田同用寧順之樂

昭順樂

五兵勿用萬國咸安告功圓蓋受命雲壇樂鳴鳳律禮
備雞竿神光欲降衆目遐觀

治順樂

生成盞裏水丹青巧畫功夫學不成却笑當時陸鴻漸
煎茶贏得好名聲

度世古元歌

後周至真觀卜巖橋下掘得石碑刻度世古元歌云云

始青之下月與日兩半同升合為一大如彈丸甘如蜜
子若得之慎勿失

顯德道宮石記

後周顯德中世宗嘗營一道宮於皇城之西工人發地得石一片上有字云云後題道士守真記帝讀之歎異

瑞雲靈跡鎮梁東他日多應與古同歲月遷移人事改
再來閑處又興工

漣水古冢餅文

周顯德乙卯歲為漣水軍使秦進崇修城發一古冢棺槨皆腐得一瓶中更有一餅黃質黑文成隸字云

云其明年周師
伐吳進崇死之

一雙青鳥子飛來五兩頭借問船輕重寄信到揚州

周郊祀樂章

五代史樂志曰太祖廣順元年邊蔚議改漢十二成為十
二順之樂祭天神奏昭順之樂祭地祇奏寧順之樂祭宗
廟奏肅順之樂登歌奠玉帛奏感順之樂皇帝行及臨軒奏治順之樂王公出
入送文舞迎武舞奏忠順之樂皇帝食舉奏康順之樂皇帝受朝皇后入宮奏
雍順之樂皇太子軒懸出入奏溫順之樂正至皇帝禮會登歌奏禮順之樂
郊廟組入奏禮順之樂酌獻福奏福順之樂祭孔宣父齊太公降神同用
禮順之樂三公升降及行同用忠
順之樂享籍田同用寧順之樂

昭順樂

五兵勿用萬國咸安告功圓蓋受命雲壇樂鳴鳳律禮
備雞竿神光欲降衆目遐觀

治順樂

羽衛離丹闌金軒赴泰壇珠旗明月色玉佩曉霜寒黼
黻龍衣備琮璜寶器完百神將受職宗社保長安

感順樂

明君陳大禮展幣祀圓邱雅樂聲齊發祥雲色正浮

禋順樂

黃彝將獻特牲預迎既修昭事潛達明誠

福順樂

相承五運取法三才大禮爰展率土咸來卿雲秘室甘
泉寶臺象樽初酌受福不回

福順樂

昊天成命邦國盛儀多士齊列六龍載馳壇升泰一樂
奏咸池高明祚德永致昌期

福順樂

上天垂景貺哲后舉鸞觴明德今方祚邦家萬世昌

忠順樂

木鐸敷音文德昌朱干成列武功彰雷鼓鸞羽今休用
玉鉞相參正黷揚

武舞樂

圭瓚方陳禮干旄乃象功成文正非羽籥猛勢若羆熊

昭順樂

雲門孤竹蒼璧黃琮既祀天地克配祖宗虔修盛禮仰
答元功神歸碧落福降無窮

周宗廟樂舞辭

唐餘錄周宗廟樂降神奏肅順皇帝行奏治順獻
信祖室奏肅雍之舞信祖室奏勸成之舞太祖室
奏明德之舞世宗室奏定功之舞酌獻登歌奏感順迎祖奏禋順飲
福奏福順送文舞迎武舞奏忠順武舞奏善順擗進奏禮順送神奏肅

肅順

我后至孝祇謁祖先仰瞻廟貌夙設宮懸朱弦疏越羽
舞迴旋神其來格明祀惟虔

治順

清廟將入袞服是依載行載止令色令儀永終就養空
極孝思瞻望如在顧復長違

全五言
肅雍舞

周道載興象日之明萬邦咸慶百穀用成於穆聖祖祗
薦鴻名祀於廟社陳其犧牲進旅退旅皇武之形一倡
三歎朱弦之聲以妥以侑既和且平至誠潛達介福攸
寧

章德舞

清廟新展嚴禋恭祖德厚人倫雅樂薦禮器陳儼皇尸
列虞賓神如在聲不聞享必信貌惟寅想龍服奠犧樽
禮既備慶來臻

善慶舞

卜世長帝祚昌定中國服四方修明祀從舊章奏激禁
轉清高羅俎豆列簪裳歌壘壘容皇皇望來格降休祥
祝敢告壽無疆

觀成舞

穆穆王國奕奕神功祀載展明德有容彝樽斯滿簋
簋斯豐紛絺旄羽鏘洋磬鐘或升或降克和克同孔惠
之禮必肅之容錫以純嘏祚其允恭神保是饗萬世無
窮

明德舞

惟彼岐陽德大流光載造周室澤及遐荒於鑠聖祖上

帝是皇迺聖迺神知微知彰新廟奕奕豐稔穰穰取彼
血膏以往蒸嘗黍稷惟馨馨邇且大房工祝致告受福無
疆

咸順

萬舞咸列三階克清貫珠一倡擊石九成盈觴雖酌靈
坐無形永懷我祖達其孝誠

禋順

旨酒既獻嘉穀乃迎振其鼓鼓潔以劔羹馨禋摩祀或
炮或烹皇尸儼若保饗是明

福順

新廟奕奕金奏洋洋享于祖考循彼典章清酤特滿嘉
玉騰光神醉既告帝祉無疆

忠順

稱文既表溫柔德示武須成蹈厲容綴兆疾舒皆應節
明明我祖樂無窮

善勝舞

五代史樂志周廣順元年改郊廟朝會舞名乃改漢治安為
政和之舞振德為善勝之舞觀象為崇德之舞講功為象成

之舞

聖祖累功福鍾來裔持羽執于舞文不廢

禋順

禮畢祀先香散几筵罷舞干戚收撤豆籩

肅順

樂奏四順福受萬年神歸碧天庭餘瑞煙

周朝饗樂章

唐餘錄周元正冬至朝饗樂公卿入奏忠順皇帝坐奏治順羣臣上壽奏福順皇帝舉壽酒登歌奏康順羣臣

忠順

歲迎更始節及朝元冕旒仰止冠劍相連八音合奏萬物齊宣常陳盛禮願永千年

忠順

明君當宁列辟奉觴雲容表瑞日影初長衣冠濟濟鐘洋洋令儀克盛嘉會有章

治順

庭陳大樂坐當太微凝旒負宸端拱垂衣駕鸞成列簪組相輝御爐香散郁郁霏霏

福順

聖皇端拱多士輸忠蠻觴共獻臣心異同聲齊嵩嶽祝比華封千齡萬祀常保時雍

康順

鴻鈞廣運嘉節良辰列辟在位萬國來賓千旌屢舞金石咸陳禮容既備帝履長春

忠順

禮成三爵樂畢九成共離金祀復列彤庭

忠順

明庭展禮為龍為光咸韶息韵鶴鷺歸行

[Faint bleed-through text from the reverse side of the page]

全五代詩卷十八

羅江李調元雨村

編

吳

後主楊溥

後主溥楊行密第四子僭位十六年李昇篡

十國春秋齊主使徙帝居丹徒命馬思謙為丹陽宮使以嚴

衛之楊溥渡江賦詩云冬十月辛丑是日有使命來徙所帝方佛書于樓上使者趨前帝以香爐擲之俄而報吳駕吳讓皇一

渡江

江南江北舊家鄉二十年来夢一場吳苑宮闈今冷落

廣陵臺榭亦荒涼烟迷遠岫愁千點雨打孤舟淚萬行
兄弟四人三百口不堪回首細思量

殷文圭

文圭池州人居九華苦學所用墨池底為之穴
唐末詞場請託公行文圭與遊恭獨步場屋乾
寧中及第為裴樞宣諭判官後事楊行密拜翰
林學士終左千牛衛將軍有登龍集

唐樞密言乾寧中駕幸三峯殿

文圭者攜梁王表薦及第仍列于榜內時楊令公行密鎮維揚奄有宣浙楊汴榛梗久矣文圭家池州之青陽辭親間道至行在無何隨榜為吏部侍郎裴樞宣諭判官至大梁以身事叩梁王王乃上表薦之圭復擬飾非遍投啟事于公卿間畧曰於苑獵食非求尺璧之珍鷄鵝避風不望洪鐘之樂既擢第由宋汴馳馬俄為多言者所發梁王大怒亟遣追捕已不及矣然其履言

八月十五夜

萬里無雲鏡九州最團圓夜是中秋滿衣冰彩拂不落
遍地水光凝欲流華嶽影寒清露掌海門風急白潮頭
因君照我丹心事減得愁人一夕愁

省試夜投獻座主

闢開公道選時英神鏡高懸鑒百靈混沌分來融間氣
欖槍滅處炫文星燭然蘭省三條白山東龍門萬仞青
聖教中興周禮在不勞千羽舞明庭

人率皆負心常以文圭為證白馬之謠靡不由此也南唐近事李德誠加司空守臨川文圭草麻德誠濡筆之賂不時至文圭以詩督之云紫殿西頭月欲斜曾草臨川上相麻潤筆已曾闕奏謝更飛章向問張華

觀賀皇太子冊命
嗣冊儲皇帝命行萬方臣妾躍歡聲鸞旛再立星辰正
雉扇雙開日月明自有漢元爭翊戴不勞商皓定敵
春官保傅皆周召致主何憂不太平

賀同年第三人劉先輩鹹辟命

甲門才子鼎科人拂地藍衫榜下新脫俗文章笑鸚
凌雲頭角壓麒麟金壺藉草溪亭晚玉勒穿花野寺
多媿受恩同闕里不嫌師僻與顏貧

寄廣南劉僕射

戰國從今却尚文品流才子作將軍畫船清宴

粉閣閑吟瘴嶠雲暴客卸戈歸惠政也官詞筆待儒勳
漢儀一化南人後牧馬無因更夜聞

經李翰林墓

詩中日月酒中仙平地雄飛上九天身謫蓬萊金籍外
寶裝方丈玉堂前虎靴醉索將軍脫鴻筆悲無令子傳
十字遺碑三尺墓只應吟客弔秋煙

題吳中陸龜蒙山齋

萬卷圖書千戶貴十洲煙景四時和花心露洗猩猩血
水面風披琴瑟羅莊叟靜眠清夢永容兒芳意小詩多
天麟不觸人間網擬把公卿換得麼

邊將別

地角天涯倍苦辛十年鉛槧未酬身
朱門泣別同鮫客紫塞旅游隨鴈臣
漢將出師衝曉雪胡兒奔馬撲征塵
行行獨止干戈域毳帳望誰為主人

江南秋日

水國由來稱道情野人經此頓神清
一篷秋雨睡初起半硯冷雲吟未成
青笠漁兒筒釣沒蓑衣菱女畫橈輕
冰綃寫上江南景寄與金鑾馬長卿

覽陸龜蒙舊集

先生文價沸三吳白雪千編酒一壺
吟去星辰筆下動

醉來嵩華眼中無峭如謝檜虬蟠活清似緱山鳳路孤
身後獨遺封禪草何人尋得佐鴻圖

趙侍郎看紅白牡丹因寄楊狀頭贊圖

遲開都為讓羣芳貴地栽成對玉堂
紅豔裏煙疑欲語素華映月只聞香
翦裁偏得東風意淡薄似矜西子粧
雅稱花中為首冠年年長占斷春光

初秋留別越中幕客

魂夢飄零落葉洲北轅南柁幾時休
月中青桂漸看老星畔白榆還報秋
鶴禁有知須強進嵇峯無事莫相留
吳花越柳饒君醉直待功成始舉頭

全五言
贈戰將
綠沈槍利雪峯尖
犀甲軍裝稱紫髯
威懾萬人長凜凜
禮延羣客每謙謙
陣前戰馬黃金勒
架上兵書白玉籤
不為己為儒弟子
好依門下學韜鈴

九華賀雨吟

陶公焦思念生靈
變旱為豐合杳冥
雷劈老松疑虎怒
雨衝陰洞覺龍腥
萬畦香稻蓬蔥綠
九朶奇峰撲亞青
吟賀西成饒旅興
散絲飛灑滿長亭

贈池州張太守

神珠無類玉無瑕
七葉簪貂漢相家
陣面奔星破犀首

筆頭飛電躍龍蛇
絳幃夜坐窺三史
紅旆春行到九華
只怕池人留不住
別遷征鎮擁高牙

寄賀杜荀鶴及第

一戰平疇五字勞
晝歸鄉去錦為袍
大鵬出海翎猶濕
駿馬辭天氣正豪
九子舊山增秀絕
二南新格變風騷
由来稽古符公道
平地丹梯甲乙高

鸚鵡

丹嘴如簧翠羽輕
隨人呼物旋知名
金籠夜黯山西夢
玉枕曉憎簾外聲
才子愛奇吟不足
美人憐爾繡初成
應緣是我邯鄲客
相顧咬咬別有情

題友人庭竹

叢篁蕭瑟拂清陰
貴地栽成碧玉林
盡待花開添鳳食
可憐風擊狀龍吟
鈿竿離立霜文靜
錦籜飄零粉節深
何事子猷偏寄賞
此君心似古人心

玉仙道中

蕞鱸方美別吳江
筆陣詩魔兩未降
山勢北蟠龍偃蹇
泉聲東漱玉琤琮
古陂狐兔穿蠶塚
破寺荆榛擁佛幢
信馬冷吟迷路處
隔溪烟雨吠村厓

題胡州太學邱光庭博士幽居

舜軌堯文混九垓
明堂宏博集良材
江邊雲卧如龍穩

天外泥書遣鶴來
五夜藥苗滋沆瀣
四時花影蔭莓苔
草元門似山中靜
不是公卿到不開

中秋自宛陵寄池陽太守

出山三見月如眉
蝶夢終宵遶戟枝
旅客思歸鴻去日
賢侯行化子來時
郡樓遐想劉琨嘯
相閣方窺謝傅基
按部况聞秋稼熟
馬前迎拜羨并兒

和友人送衡尚赴池陽副車

淮王上將例分憂
玉帳參承半列侯
次第選材如創厦
別離排宴向藏舟
鷗鵬變化知難測
龍蠖升沈各有由
蹊蹠行牽金鏞重
婣娟立唱翠娥愁
築頭勲業諧三陣

滿腹詩書究九流金海珠韜乘月讀肉芝牙茗撥雲收
赤鱗旆卷鷗汀晚青雀船橫鴈陣秋十字細波澄鏡面
九華殘雪露峰頭醉沈北海千尊酒吟上南荆百尺樓
況是昭明食魚郡不妨閑擲釣璜鉤

孫 魴

魴字伯魚南昌人從鄭谷為詩頗得鄭體事吳
為宗正郎與沈彬李建勳友善集三卷

南唐書金
山寺號為

勝景張祐吟詩有僧歸夜船月龍出曉堂雲之句自後詩
人閣華魴復吟詩云云時號絕唱馬書三四作樓臺懸心倒
影鐘磬隔置塵七八作誰言題咏處流響音更無人 茗溪漁
隱張祐詩云一宿金山頂微茫水國分僧歸夜船月龍出
曉堂雲樹影中流見鐘聲 兩岸聞因悲在朝市終日
醺祐詩全篇皆好魴詩不及之有疵病如驚濤駭浪

之句則金山寺何其低而且小哉誰言張處士三句乃自矜倚如此
尤可強鄙也 全唐詩話金山居大江中迥然孤秀詩意難盡羅
隱云老僧齋罷閉門睡不管波濤四面生孫生句云結字孤峰上
安禪巨浪間 馬書本傳魴從鄭谷游吟詩頗有鄭體與沈彬
李建勳為詩社彬好評詩建勳常與彬議時魴不在席以魴
詩詰之彬曰此非有風雅製度但得人間烟火氣多爾魴遂出
讓彬曰非有風雅固然謂得人間烟火氣何耶彬笑曰子夜坐
句云劃多灰雜蒼虬跡坐久烟銷寶鴨香非爐上作而何隘座
大笑 吟窗雜錄魴春日途中詩云遊子未歸去野花
愁破心金山詩云分開潮海浪留住過江雲皆佳句

甘露寺

寒暄皆有景孤絕畫難形地拱千尋嶮天垂四面青
畫
燈籠鴈塔夜磬徹漁汀最愛僧房好波光滿戶庭

題金山寺

山載江心寺魚龍是四鄰樓臺懸倒影鐘磬隔罽塵一作

萬古波心寺金山名目新
大多剩得月地少不生塵
過橋妨僧定驚濤濺佛身誰言張處
士題後更無人

廬山瀑布

有山來便有萬丈落雲端霧噴千巖濕雷傾九夏寒
中僧寫去湖上客迴看却羨為猿鶴飛鳴近碧湍

牡丹

意態天生異轉看看轉新百花休放豔三月始為春
蝶死難離檻鶯狂不避人其如豪貴地清醒復何因

柳絮

年年三月裏隨處自悠揚雨後
渾疑盡風來特地狂入

花蜂有礙遮水燕無妨苦是添離思青門道路長

芳草

何處不相見烟苗捧露心萋萋綠遠水苒苒在空林
野吹閑搖濶遊人醉卧深南朝古城裏碑石又應沈

春苔

底物最牽吟春苔獨自尋何時連夜雨疊翠滿松陰
湘岸荒祠靜吳宮古砌深侯門還可惜長被馬蹄侵

看桑

簇簇牙相遮閑看寔可嗟藉多雖是葉栽盛不如花
春綠暗連麥秋乾暮立鴉舊鄉曾種得經亂屬誰家

老松

鬱鬱復蒼蒼秋風韻更長
空心應有老葉不知霜
子落生深澗陰清背夕陽
如逢東岱雨猶得覆秦王

柳

龍蔥二月初青軟自相紆
意態花猶少風流木更無
影繁晴陌上烟重古城隅
煬帝河聲裏幾番榮又枯

主人司空後亭牡丹

佳卉挺芳辰天容乃絕倫
望開從隔歲愁過即無春
體物真英氣餘花似庶人
蜂攢知眷戀鳥語亦慙
况在豪華地寧同里巷塵
酷憐應喪德名賞奈怡神
忌穢栽

時土嘗甜折處津繞行那識
倦圍坐豈辭頻入夢殊巫
峽臨池勝洛濱樂喧絲雜竹
露漬卯連寅飲興尤思滿
吟情自合新怕風惟怯夜
憂雨不經旬欄檻為良援
亭臺是四鄰雖非能伐性
爭免礙還溥門豔何慚蜀
矜餘未讓秦私心期一日
許近看逡巡

垂柳

垂柳碧髯茸樓昏帶雨空
思量成畫夢來去發春慵
梳洗憑張敞乘騎笑稚恭
碧虛從轉笠紅燭近高春
怨臉明秋水愁眉淡遠峰
小園花盡蝶靜院酒醒蛩
舊作琴臺鳳今為藥店龍
寶奩拋擲久一任景陽鐘

全五言
卷六
題梅嶺泉

梅嶺舊聞傳林亭勢危然登臨真不易幽勝恐無先楚
野平千里吳江曲一邊標形都大別洞府豈知鳥飛閣
橫空去征帆落面前南雄雉堞峻北壯鳳臺連爛漫三
春媚參差百卉妍風桃諸處錦洛竹半溪烟燕入晴梁
語鶯從暖谷遷石根朝靄碧簾際晚霞鮮迺柳行難約
庭莎醉好眠清明時更異造化意疑偏不獨宜韶景尤
須看暑天藥苗絲似結蘿蔓猛如編珠亞垂枝果水澄
汲井泉粉牆蛸蛻落丹檻雀雛顛炎氣微茫覺清飈左
右穿雲峰從勃起葵葉豈勞扇又見秋天麗渾將夏日

懸紅黥著霜樹香老卧池邊菱芡誰鋪繡莓苔自學錢
暗蟲依砌響明月逗簾圓小砌滋新菊高軒噪暮蟬雨
聲寒颯颯雁影曉聯聯釋此何堪玩深冬更可憐窗中
看短景樹裏見重川岡阜分明出杉松氣概全謳成白
雪曲吟是早梅篇初制誰人解根基太守賢或時留皂
蓋盡日簇華筵誰詠憂黎庶狂遊泥管弦交加豐玉食
來去迸金船侍從非常客俳諧像列仙畫旗張赫奕妖
妓舞婣娟罷宴心猶戀將歸興尚牽祗應愁逼夜寧厭
賞經年孤賤今何幸躋攀奈有緣展眉驚豁達徐步喜
周旋諷詠雖知苦推功靡極元聊書四十韻甘責未精

專

看牡丹

莫將紅粉比穠華紅粉那堪比此花
隔院聞香誰不惜出欄呈豔自應誇
北方有態須傾國西子能言亦喪家
輸我一枝和曉露真珠簾外向人斜

又題牡丹上主人司空

一年芳勝一年芳愛重賢侯意異常
手闌紅房看濶狹自張青幄蓋馨香
白疑美土無多潤紫覺靈芝不是祥
祇恐夢徵他日去又須疑向鳳池傍

牡丹落後有作

未發先愁有一朝如今零落更魂銷
青叢別後無紅線穿來已半焦
蓄恨綺羅猶眷眷薄情蜂蝶去飄飄
明年雖道還期在爭奈憑欄乍寂寥

柳

數樹新栽在畫橋春來猶自長長條
東風多事剛牽引已解纖纖學舞腰

金堤堤上一林烟况近清明二月天
別有數枝遙望見畫樓南面拂鞦韆

小池前後碧江濱翠拋青瀾漫春不是和風為擡舉
可能開眼向行人

深綠依依配淺黃兩般顏色一般香到頭嫋娜成何事
祇解年年斷客腸

楊柳枝詞

靈和風暖太昌春舞線搖絲向惜人何似曉來江雨後
一行如畫隔遙津

彭澤初栽五樹時只應閑看一枝垂不知天意風流處
要與佳人學畫眉

暖傍離亭靜拂橋入流穿檻綠陰遙不知落日誰相送
魂斷千條與萬條

春來綠柳遍天涯未見垂楊未可誇晴日萬株烟一暎

閑坊兼是莫愁家

小眉初展綠條稠露壓烟濛不自由莫是折來偏屬意
依稀相似是風流

九衢春霽濕雲凝着地穆穆礙馬行擬折無端拋又惡
亂穿來去羨黃鶯

千樹陰陰蓋御溝雪花金穗思悠悠先朝事後應無也
惟是荒根逐碧流

搖蕩和風恃賴春醺樓遮路逐年新顛狂絮落還堪恨
分外欺凌寂寞人

暖催春促吐芳芽伴雨從風處處斜莫道元功無定配

全五代詩 卷六
不然爭得見桃花

湖上望廬山

輟擢南湖首重廻笑青吟翠向崔嵬天應不許人全見
長把雲藏一半來

康駢

駢字駕輕池州人登第為崇文館校書郎後為

吳王楊行密大將田頔客荐授中書舍人所著

有劇談錄

詩話劉長卿有謫仙怨詞云晴川落日初低惆悵孤舟
解携烏向平蕪遠近人隨流水東西白雲千里萬里明

月前溪後溪獨恨長沙謫去江潭春草凄凄後台州刺史竇宏謫有廣
謫仙怨并序云天寶十五載正月安祿山反隋洛陽王師敗績關門
不守車駕幸蜀遂次馬冤驛六軍不發賜賫妃自盡然後駕行次驛舍
上登高下馬望秦川遙辭陵廟再拜嗚咽流涕左右皆泣謂力士曰君聽

九齡之言不到於此乃命中使往韶州以太牢祭之因上馬索長笛吹
笛曲成潛然流涕佇立久之時有司旋錄成譜及竇駕至成都乃進此
譜請名曲帝謂吾因思九齡亦別有意可名謫仙怨其音屬馬冤之事
厥後以亂離隔絕有人自西川傳得者無由知但呼為劍南神曲其音
怨切諸曲莫比大歷中江南人盛為此曲隨州刺史劉長卿左遷睦州
司馬祖筵之內長卿遂撰其詞吹之為曲意頗自得蓋亦不知本事余
既備知聊因暇日撰其詞復命樂工吹之用廣其不知者其詞云胡塵
犯關衝開金輪提携玉顏雲雨此時消散君王何日歸還傷心朝恨暮
恨回首千山萬山獨望天邊初月蛾眉猶
自警警駢更廣其詞今并載之其詞云云

廣謫仙怨 并序

竇使君序謫仙怨云劉隨州之辭未知本事及
詳其意但以貴妃為懷蓋明皇登駱谷之時寔
有思賢之意竇之所製殊不逮焉駢因更廣其
辭蓋欲兩全其事雖才情淺拙不逮二公而理

或可觀貽諸識者

晴山礙目橫天綠
疊君王馬前鑿輅西巡蜀國龍顏東
望秦川曲江魂斷芳草妃子愁凝暮烟長笛此時吹罷
何言獨為嬋娟

盧蘋

蘋洛陽人事吳歷官至司農卿

蛺蝶行

東園宮草綠上下飛相逐君思不禁春昨夜花中宿

東西行

種荷玉盆裏不及池
中水養雉黃金籠見草心先喜

無題

春淚爛羅綺泣聲抽恨多
莫滴芙蓉池愁傷連帶荷
一朶花葉飛一枝花光彩美人惜花心但願春長在

李章

章吳後主時人官百勝軍節度使加中書令

春遊吟

初春徧芳甸十里藹盈曠
美人摘新英步步翫春綠
所思杳何處宛在吳江曲
可憐不得共芳菲日暮歸來淚
滿衣

斷本

思香所氣夜空是五山百樹不野其夫能日觀
時春滿老回个里歸盤那美人面滿英老將好春轉詩

春盡今

草美翁主和入官百御軍晴與對叫中書令

李章

一落并第舞一林林共沐美人散沐以財歸春長

春風歸盤盤立盤由射受莫南天容山然為進學詩

無賦



